

RELATIO EORUM

Quæ circa

SAC. CÆSAREÆ MAIEST.

AD

Magnum Moscorum

CZARUM

ABLEGATOS

ANNIBALEM FRAN.

CISCUM de BOTTONI,

Sacri Romani Imp. EQUITEM,

Archiducalis Regiminis in Infer. Austria

CONSILIARIUM,

ET

JOANN. CAROLUM

TERLINGERENUM de GUZMAN,

Sacræ Cæsaræ Majestatis CON-

SILIARIUM,

Anno Æra Christiana 1675. gesta sunt,

Strictim recensita

PER


ADOLPHUM LYSECK,

dictæ Legationis Secretarium.

Cum Permissu & Facultate Superiorum.

SALISBURGI,

Sumpt. & Typis JOAN. BAPT. MAYR, Ty-
pographi Aulico-Academici, 1676.



THE UNIVERSITY OF CHICAGO
LIBRARY

MAY 2 1950

PAID BY THE UNIVERSITY OF CHICAGO

LIBRARY OF THE UNIVERSITY OF CHICAGO
1100 S. MICHIGAN AVE.
CHICAGO, ILL. 60607

LIBRARY OF THE UNIVERSITY OF CHICAGO

1100 S. MICHIGAN AVE.

CHICAGO, ILL. 60607

LIBRARY OF THE UNIVERSITY OF CHICAGO

1100 S. MICHIGAN AVE.

CHICAGO, ILL. 60607

LIBRARY OF THE UNIVERSITY OF CHICAGO

1100 S. MICHIGAN AVE.

CHICAGO, ILL. 60607

Illustrissimo ac Excellentissimo
DOMINO, DOMINO

**GEORGIO
LUDOVICO,**

Sacrae Rom. Imp. **THESAURARIO
HÆREDITARIO,**

**Comiti de SINZENDORFF,
Comiti in Thanhausen, Neu-
burg & Wehrstain ad Oenum, Libero-Ba-
roni in Enstbrun, Domino in Fridau & Renner-
storff, Domino Dominiorum Walperstorff, Ain-
öd, Wald, Waasen, Mainburg, Weissenburg &
Kirchberg an der Puellach / Sizendorff, Gfœl,
Peyerbach & Pruck an der Altscha / Domino in
Postelberg, Konopischt, Bittosez, Tausche-
tin, & Ploschæ &c.**

**Superioris Austriæ HÆREDITARIO
PINCERNÆ,**

Nec non

AUREI VELLERIS EQUITI,


Sacrae Cæsareæ Majestatis

**CONSILIARIO INTIMO,
CAMERARIO,**

Regio in Regno Bohem. Locum TENENTI,
Et

Austriacæ, nec non Bohemicæ Camerae

Supremo PRÆSIDI, &c,





ILLUSTRISIME

AC

EXCELLENTISIME

COMES,

Domine Gratosissime.



Legationis *Cæsareo - Czareæ*
conscripsi Relationem,
quam ut Excellentissimo
Nominis Tui splendore illustrarem
& devotus adegit animus, & ope-
ris sua sit ratio: Ille etenim, cum
ex Moscovia redux, post *D. de*
Bottoni Ablegati Primarij fata, &
ego in eâdem luctarer vicissitu-
dine, *Manus Tuas auxiliatrices* ex-
pertus, respiravit; hæc verò
(quod omnibus tum Legationi-
bus,

DEDICATIO.

bus, tum pacis transactionibus so-
 lenne) *Tuo* per *Cameram Præsidio*
 feliciter fuit expedita. Hinc
 tantò sese clariorem autumat, quò
 majus ab *Illustrissimo Tuo lumine*
 in se *jubar* illa sentit derivatum.
Qui summa & reliqua fileam, non
 modò antiquissimâ *Sinzenдорffio-*
rum splendescis *Prosapiâ*, sed in-
 auratus *Aureo Vellere* gloriaris *E-*
ques, & inter *Consiliarios Inviçtis-*
simi LEOPOLDI Intimos effulges:
 quin triginta etiam pluribûsque
 annis *Camera Præsidium*, indefessus
Hercules bumeris sustulisti; Unde
Tibi, totique Familiæ sempiternum
 enascitur gloriæ emolumentum.
 Non commemoro *Tuam* in *augendo*
Cæsaris arario industriam, in con-
 servando *sedulitatem*, in præsiden-
 do *prudentiam*; quæ *Te Præfectum*

DEDICATIO.

sollicitum, *Tutorem* fidum, *Dispensatorem* circumspectum universo terrarum orbi testantur, ut exinde *Tua* in *Cæsarem Fides*, in alios *Gratia*, in *Te*, *Tuosque Fama* redundet gloriosa, nullis sæculis obliteranda. Liceat igitur *Illustrissimo Tui Nominis* titulo Relationis frontem decorare. *Tu* vero *Excellentissime Comes* suscipe innato favore enarrationis *tabulam* quam *votivam* ad *Illustrissimas Excellentia Tua* ceras devotissimè suspendo debitæ subjectionis *Mnemosynon*; suscipe non parturientem *Atlantæ Operis* thesaurum, sed obsequiosum *Neographi* conatum, eundemque consuetis gratiæ votis promove, ut ad plura & majora, sub tutissimo *Excellentia Tuæ* clypeo, excudenda

DEDICATIO.

da proferendâque non inglorius
accendar. : Aspice observantis
animi *argumentum*, *Tibi* devotum,
mibi conveniens, & *felicissimo*, Do-
mus Austriacæ bono, *Camera Præ-*
ses vive *Præsidio*.


Excellentiæ Tuæ

Servus humillimus

ADOLPHUS LYSECK.

A 4

Ad



Ad Lectorem.

Pridem quam nunc cernis amico Lector Relationem typis evulgâssem, si Luci eam tradere animo fuisset deliberatum: sat enim habui scripto amicis communicari ea, quæ calamo à me excipi, & Augustissima Aula huc transmitti officij quod gerebam partes imperabant. Contigit autem ut eorum numerum, qui relationem scriptam rogitabant, publica Lucis spe oportuerit consolari. Ad quod uti plurimorum cohortabamur studia, sic fatalis propemodum morbus, qui reducem corripuit, animum ab eadem & vires avocavit. Redintegratâ nunc valetudine, & priores stimulos adhibentibus amicis pareo, & quæ mea hætenus tenni, publici juris volo. Ea tantum recenseo, quæ oculis auribûsve in itinere percepi ipsemet; cum præter Dominos Ablegatos de Legatione ego unicus conferentiis interfuerim. Divinare quædam & exaggerare aut ut chartas expleam librorum furtiva conquirere, necesse non habeo: nec aliud nisi quod ad præsentem relationem pertinet volo tractare: plura qui volet plenos de Moscovia libros consulat. Tu lege, & fave.



CAPUT I.
*De Moscovia & Legationis
 Causa.*

Russia extremæ Europæ, quâ Asi-
 am tangit conterminam, pars
 continens, ut Regionis amplitu-
 dine, sic nemorum solitudine
 vastissima: Moscoviæ nos eam vocabulo
 cum omnibus quæ *Czaro* (Imperatorem
 hoc sonat) parent Regnis & Principatibus,
 à *Moscua* metropoli compellamus. Regio-
 nis longitudo 30. latitudo autem 16. gra-
 dus, quorum uni 15. milliar. germ. com-
 menfurantur, facilè exuperat. Etenim si
 omnes quas nunc imperio suo adjectas
 frænat provincias (nomina earum, ne ea-
 dem crambe sæpius recoquatur, Czari ti-
 tulus præferet) connumeres; terminos
 habet ab Ortum communes Europæ fines,
 hoc est Obium, & Tanain *Don* fluvios: à
 Meridie Tartariam tangit minorem, flu-
 mina item Tanain minorem *Donetz*, Des-

2 Caput 1. De Moscovia

nam, ac Pſolam : ab Occaſu Poloniæ ac Sue-
ciæ regnis confinis, Boryſthene *Dnieper*,
& Narva fluminibus concluditur : ab Aquilone *Arcticum* egreſſa *circulum* fines per mare glaciale producit : regio non frigoris minus intemperie, quàm æſtivis caloribus aſperrima, & quamvis uligine, ac ſolitudinibus horrida, frugibus tamen, quæ ſolæ clementia ſingularis adedè affluens, ut copiam ingentem quot annis valeat alijs provincijs ſubminiſtrare.

Meditullium propè omnis patriæ æquali, à limitibus ſpatio cujus ſemi-diameter, ubi minima eſt, 120. mill. germ. conſtituat, *Moscu* regni & principis ſedes occupat: ab *Æquatoris* circulo declinans latitudinem geographicam juxta Ricciol. 55. grad. 18. min. ; longitudinem verò à primo qui *Palmam* ex Hesperidum ſive fortunatis inſulis unam tranſit *Meridiano* 555. recedens, 64. grad. 30. min. ſortita. Perimetro ambitur quæ terna mill. germ. excedat, & ædificiorum numerat pluſquam quadraginta duo millia, monaſteriorum autem & Eccleſiarum millia duo : in ſenas

ca urbis partes, totidem spatiosas civitates vocites, eo qui sequitur ordine, distributa.

Kitay gorod, seu Media Civitas in ipso quasi centro, valido rubro muro, *crasna stenna* vocant, cingitur, quam ab Austro fluvius *Moski*, qui urbi & nomen indit, ab Aquilone autem *Neglina*, quæ infra *Cremelinum* arcem in *Moski* se exonerat, alluentes pen-insulam efficiunt. Dimidiatam urbis *media* partem arx occupat *Cremelinum*, cum elegantissimis, tum numerosissimis deauratæ laminæ turribus, lucente præsertim sole, visu pulcherrima, & vicies mille hominum, quos Czarus præsidij causa perpetuò alit, sat amplum hospitium. *Czar gorod* seu Imperatoris Urbs fortibus albis muris, *biela stenna* consurgens Mediâ Civitatem semilunæ instar ambit. Munita itidem fortibus muris, tertia urbis pars *Skorodom* eâdem figurâ Urbem Imperatoriam extrema circumcludit. His *Sireliza Sloboda* sive Militaris, & suburbiorum loco *Sloboda Polonica*, pariterque *Sloboda Germanica* leucæ spatio accedunt. Hanc urbem Moscuam præsentibus nobis centum virorum millia; campum autem & cætera præ-

præsidia , alia ducenta millia tenebant : formidandus exercitus , si omnes Thyrsigeri forent etiam Bacchi , & qui arma ferunt militaria nossent ea militatiter tractare.

Atque hæc in fronte collocata disponendo lectori sufficiant ; reliquis in calcem dilatis , eo quo institutum vocat , depropere , ipsaſque Cæsareæ Legationis expeditionem , fide illâ , quæ alterius Dominorum Ablegatorum , reliquorumque comitum superstitum censuram non erubescat , succinctè refero.

Annus agebatur æræ Christianæ 1675. quo Cæsareo deliberatum consilio & conclusum , binæ Moscorum Legationi huc Viennam destinatæ , & arctiorem cum Augustissimolmperatore LEOPOLDO correspondentiam negotiosè sollicitanti , mandatâ pariter Ablegatione satisfacere , & Czari mentem explicatius insinuato super negotio investigare , tractare , & foedus percutere. Delecti huic muneri Annibal Franciscus de Bottoni , S. R. I. Eques , S. C. M. in excelsol Inferioris Austriæ Regimine Consiliarius : & Joannes Carolus Terlingerenus de Gutzman S. C. M. Consiliarius , qui
plena

plena tractandorum potentiâ , & litteris
Credentialibus, Salvique Conductûs instru-
cti , viâ sese & negotijs , eo qui Cæsareos
Ablegatos deceret respectu accinxerunt.
Cæsarei Latini Diplomatis , quod publi-
cam Czaro fidem faceret transcriptum e-
xemplar subjungo.

NOS LEOPOLDUS Divinâ favente clemen-
tiâ electus Romanorum Imperator sem-
per Augustus, ac Germaniæ, Hungariæ, Bo-
hemiæ, Dalmatiæ, Croatiæ, Sclavoniæ Rex,
Archidux Austriæ, Dux Burgundiæ, Bra-
bantiæ, Styriæ, Carinthiæ, Carniolæ &c.
Marchio Moraviæ, Dux Lucenburgæ, ac
Superioris & Inferioris Silesiæ, Wirtenber-
gæ & Tecke, Princeps Sueviæ, Comes
Habsburgi, Tyrolis, Ferretis, Kiburgi, &
Goriziæ, Landgravius Alsatæ, Marchio
S. R. I. Burgoviæ, ac Superioris & Inferio-
ris Lusatiæ, Dominus Marchiæ Sclavonicæ,
Portus Naonis & Salinarum &c. &c. Ag-
noscimus & notum facimus pro nobis &
hæredibus ac successoribus nostris, tenore
præsentium universis : quòd cùm intellige-
remus Serenissimum ac Potentissimum Do-
minum Czarum & Magnum Ducem Ale-
xium

xium Michælovik , Totius Magnæ Parvæ
 & Albæ Ruffiæ Auto-cratorem Moscoviæ,
 Kioviæ, Volodomiriæ, Novagardiæ, Cza-
 rum Cafani , Czarum Astracani , Czarum
 Sibirïæ, Dominum Pleskovïæ, & Magnum
 Ducem Smolensciæ, Tiveriæ, Jugoriæ, Per-
 miæ, Veatkæ , Bolgariæ aliorúmque Do-
 minum & Magnum Ducem Novagardiæ
 inferioris terræ Tfernigoviæ, Refaniæ, Ro-
 ftoviæ , Jaroslaviæ , Belooſiriæ, Udoriæ ,
 Obdoriæ Cardinciæ ac totius Septentrio-
 nalis oræ Dominatorem & Dominum Iver-
 riæ terræ, Cartalinenſium & Gruffenſium
 Czarorum, etiam Cabardiens ſis terræ Tſer-
 kaſſienſium & Goriffenſium Ducum , nec
 non aliorum multorum Orientalium, Oc-
 cidentalium & Septentrionalium Dominio-
 rum & Ditionum Paternum & avitum hæ-
 redem, Suceſſorem Dominum & Domi-
 natorem , Amicum & Fratrem noſtrum
 chariſſimum, &c. ad tractatus pro arctio-
 ri nobiſcum correfpondentia, próque mu-
 tua Regnorum Provinciarúmque utrinque
 noſtrarum ſecuritate, atque deſenſione ine-
 undos propendere; & nunc ſi unquam aliàs
 motus in Chriſtiano verè Orbe toto exci-
 tati,

tati, ac porro per Septentrionem minitantes id mutuæ defensionis ac securitatis opus maturari & quàm firmissimè constitui postulent ; Nos, ne aliquid ejus, quod ad quietem & securitatem publicam quaquaversum, & in specie per Septentrionem etiam firmandam pertinet, in nobis desiderari possit, nostram pro communi causæ curam ad hoc quoque tam salutare negotium, omnino adferendam duxerimus ; adeoque de fide rerum usu & prudentia Honorabilium fidelium nobis dilectorum Annibalis Francisci Bottoni Consiliarij Regiminis nostri Archiducalis in Inferiore Austria : uti & Consiliarij nostri Joannis Caroli Terlingereni de Gutzman, nostrorum ad Serenissimum & Potentissimum Czarum, Magnum Moscoviæ Ducem, Ablegatorum plenè confisi ; eosdem mandatarios nostros constituerimus, prout hisce animo benè deliberato constituimus, ad congregiendum conjunctim vel altero eorum impedito aut non valente uni illorum seorsim, cum Serenitatis suæ ad hoc deputatis Plenipotentarijs, Commissarijs tractandúmque & sub ratificatione concluden-

8 *Caput I. De Moscovia &c.*

dendum cum iisdem pro mutua omnium nostrorum, Regnorumque & Provinciarum nostrarum defensione & securitate, fœdus reciprocum; Dantes & concedentes prænominatis Ablegatis, Mandatarijs Nostris plenam ad dictum fœdus, arctiorẽque inter nos correspondentiam tractandum & concludendum ex nostra parte potestatem Harum vigore litterarum manu nostrâ subscriptarum, ac sigilli nostri Cæsarei appensione, munitarum, quæ dabantur Viennæ 27. Martij 1675.

Eundem tenorem Salvi conductûs Originale, quod Domini Ablegati licentiâ penes me, sonat: Cæsareo utrumque diploma chirographo, sigilloque munitum, & Imperialis Cancellariæ Officialium, quorum id muneris est, nomine roboratum.

C A P U T II.

*Discessus Viennâ per Moraviam
& Silesiam.*

Diversis temporibus denominatus itineris dies; discessus tamen mutato semper consilio ad decimum septimum Kalendas Julij dilatus, conductis qui
& nos

& nos, & impedimenta nostra Uratislaviam deducerent aurigis, eo ipso die post meridiem felicem auspicabatur processum. Totus comitatus duos supra viginti complectebatur, quorum nomina & officia sequens tabula demonstrat.

ANNIBAL FRANCISUS de BOTTONT,
S. R. I. Eques, & in Archiducali Inferioris Austriæ Regimine Consiliarius &c.
Ablegatus Primarius.

JOANNES CAROLUS TERLINGERENUS
de GUZMAN, Sacræ Cæsareæ Majestatis Consiliarius, *Ablegatus Collega.*

OFFICIALES.

FRANCISCUS SCHLEGELIUS, Bavarus,
Sacellanus.

CAROLUS VALERIUS WICHARD,
Helvetus, *Cancell.*

ADOLPHUS LYSECK, Moguntinus, *Legationis Secretarius.*

PHILIPPUS FRIDERICUS KIRCH-
MAYER, ab ALTKIRCH Viennensis.

OLYSIUS SANSONI, Tergestinus,
Præfectus.

ALEXANDER BRANDEL, Austriacus,
Stabuli Magister.

10 *Caput II. Discessus Viennâ*

LAURENTIUS KHINHUBER, Saxo,
Medicus Doctor.

CAROLUS LEOPOLUS KRAUS, Au-
striacus, *Cubicularius.*

P E D I S S E Q U I.

Jonas Krântzel, Austriacus.

Matthæus Windsechler, Tyrolensis.

Balthasarus Zeisselmayer, Austriacus.

Adamus Mülner, Tyrolensis.

Lucas Juray, à Sancta Cruce.

Maximilianus Hüg, Austriacus.

Philippus Käbel, Austriacus.

Wolfgangus Wegscheider ex superiori
Styria, *Coquus.*

Comitem viæ se quoque adjunxerat ma-
rito Domino de Bottoni conjux, filia ejus-
dem secundo genita cum pedissequa. In
itinere memoratorum numero adscripti
Regio - montij Matthias Popp Grecensis
Tonfor; Vilnæ Daniel Lau Borussus Inter-
pres Polonus: Tres ibidem alij stratores
Poloni, & duo Tartari sunt assumpti.

Viam nunc ingressi ut tædiosam, sic tæ-
diofo calamo eandem describimus: quæ si
æquæ tædiosam Lectori effecerit lectionem,
omisso hoc cum sequentibus duobus capi-

te ad lætiora & curiosa magis animum advertat, nihil ex tetrica materiæ, stylique methodo relationi secuturæ præjudicando.

Rhedam primariam præter Dominos Ablegatos, Uxor, filia & famula occupabant; secundâ officiales vehebantur, ad illam reliquis alternâ vice inservientibus Pedissequis. *Volckersdorffium* oppidum Cæsareum prima nocte hospites excepit, ubi sequenti 16. Junij ambo Domini Ablegati sub Sacro Sacellani nostri Sacrosanctæ Eucharistiæ viatico pro felici itineris consummatione corroborabantur, dum interea conjux filiolum in sui solatium assumptum, ob futuras molestias, quas creaturum ex primæ noctis inquietudine præsagiebat, habito maturiori consilio Viennam reduceret, ad nos rhedæ veredariæ subsidio *Nicolai-burgum* sub vesperam reversa 17. Ejusdem Sacro in Lautetana Divæ Virginis æde apud Patres Capucinos audito, viatum ob copiosam pluviam lubricas & difficiles, tum ob bene dimensa milliaria Morava tædiosas aggressi ad noctis duodecimam *Rausnitzum* ægrè attigimus. Decimo octavo unicum superantes lapidem

Wischæ post missam, prandium, alijsque duobus emensis *Gralitzij* cœnam sumpsimus. Decimo nono, qui celebrandæ Corporis Christi Octavæ dicatus, dum circa horam nonam antemeridianam *Olmutzium* ingrederemur, solennis cum Venerabili processio per urbem habebatur, sub qua currus nostros deferentes, in medias plateas Austriacâ reverentiâ provoluti Sacramentali benedictione ad unum è quatuor altaribus impertiebamur. Principem Loci Episcopum Domini Ablegati per deputatum Legationis Secretarium salute & officiorum insinuatione venerabantur. Prandio quo vix omni in itinere lautiori celebrato, ante Solis occasum *Sternbergæ* hospitalem Jovem salutavimus.

Vigesimum, & qui hunc consecuti duos, in superandis montium jugis valliûmque declivitatibus subditorum angariâ adjuti in Oppidis *Freidenthal* & *Zuckmantel* divertentes impenderamus, cum ad *Nisse* portas Serenissimæ Poloniæ Reginae viduæ ELEANORÆ, suo stipatæ comitatu Majestatem ad meridiem obviam venerati: Ablegati datâ veniâ currum demississimè acceden-

cedentes, commissas ab Augustissima Imperatrice vidua Matre litteras tradebant, ab eâdem ad manus osculum admissi, ac felici itineris appreciatione honorati. Quod diei, reliquum erat ac nocte ibidem consumptâ vigesimo tertio postquam dominicali præcepto rem Sacram peregrimus, resumpto itinere *Vratislaviam* vigesimo quarto relictis post nos *Groigâ & Olaviâ* oppidis intrantes, cùm equos, & currus permutare necessum foret vigesimo quinto conquevimus. Eodem die Dominos Ablegatos, post salutem & fortunati adventûs gratulationem à Syndico duobûsque Consulibus factam Magistratus multiplici ac præstantissimo vino (quod convasatum extremis fortè necessitatibus servabatur) in sedecim majoribus cantharis per suos ministros liberalissimè donabat. Illustrissimus ac Excellentissimus Dominus Comes de Schaffgoths die eodem lauto eos convivio adhibebat.

Conductis tandem alijs Aurigis, & oneratis curribus, cùm nonnulli gravibus de causis viam per Poloniam dissuaderent, instituendam eandem vigesimo sexto ad

14 Caput II. Discessus Viennâ

solis occasum per ulteriorem Silesiam Gedanum versus continuavimus, licet illa alijs tutior, alijs tamen ob consumpta, & devastata in confinijs, à milite Sueco victualia videbatur incommodior. Ut igitur *Magnam Gloggoviam* ubi Generalis Cob cum Exercitu, Brandenburgicis jungendus morbatur, perventum est; ille de adventu nostro certior factus, proprium, quo Dominos Ablegatos avocaret, unâ secum de reliquo itinere deliberaturos, currum submisit. In mandatis enim habebat salvo conductu Gedanum usque si postularet necessitas, nobis providere; Minori autem periculo ob Suecorum regressum animadverso, unicas ab Electore Brandenburgico in hanc finem præmissas patentes litteras, quibus Satrapis reliquisque Officialibus committebatur omne nobis deferre subsidium, promovendo itineri necessarium, tradebat. Nec hujus Urbis Consules deerant, qui cum Salutis voto hispanicum vinum per suos deferrent. Altero mane discedentes Generalis Knie ante suas ædes amico salutavit alloquio. Hinc per oppida *Peuten & Vartenberg* duodecim absolutis

solutis milliaribus *Grossam* trigesimo mensis devenimus.

C A P U T III.

Iter per Marchiam, Pomeraniam, Cassubiam, & Prussiam.

OMnia in his provincijs, Suecico licèt milite insolenter depopulatis, & humanitatis & amicitiae argumenta à Brandeburgicis ministris, Electoris mandato experiebamur. *Francofurtum* ad *Viadrum* jam cogitabamus, cùm *Grossenses* prævisto ob vicinas hostiles copias periculo, ne earum manus incautè praeda futuri incideremus, unanimi sententia dissuadebant, iter nostrum per oppida *Zelencki*, *Landsbergam* ad *Wartam* Fluvium, *Freidenbergam*, & *Calis Neo-stetinum* versus dirigendo: quod ubi à Dominis Ablegatis acceptum, post quinque & medium in via diem transactum, exercitæ Suecorum insolentiam sufficienti lustravimus experimento, quam humiliata nunc eorum arrogantia meritâ nominis luit confusione liberalius tamen *Maria-sylva*, nobile hoc quondam ascete-

16 *Caput III Iter per Marchiam*

ritum, nunc autem venatorum habitaculum
cœnâ; *Parvi Sabini* verò à nobili quodam
Satrapa de Rehberg prandij lautitijs hacte-
nus insuetis refecti, scopum præfixum at-
tigimus.

Confinia autem Polonica non omnimo-
dè declinare poteramus, quin Julij septimo
eorum pagos *Fliessenstein & Studenitz* in-
grederemur. Aurigarum jam equos con-
tinuâ & difficili via fractos, atque submini-
stratâ rarò avenâ famelicos, laboris atroci-
tas enervârat, sic ut levandis vix pedibus
minùs trahendis vehiculis sufficerent; alios
igitur octo à Polonis ad tria milliaria trede-
cim imperialibus conductos necessitas ius-
sit substituere, quorum operâ fines Cassu-
biæ propemodum transiveramus, in pago
Stanschutz diversuri, nisi propinquæ Sueco-
rum cohortes tutò ibidem pernoctare in-
hibuissent. Nunquam hostibus vicinior,
nunquam interceptionis periculo exposita
magis Ablegatio Cæsarea; Consilio itaque
ex arena sumpto Domini Ablegati, habi-
tum mutant, litteras, & instructionem
proprijs peris custodiunt, equis ad fugam
expeditis insident, me, & Carolo Wichar-
do


do sui loco in rheda substitutis. Intempestæ noctis silentio, incolis hæc non somniantibus, motum, & per montana obscurissimâsque sylvas, timore alas addente sic properatum, ut priusquam solis jubar asfulgeret, quatuor germanica milliaria confecta numeraverimus. In pago *Perko* ad prandium respiratum, ac post meridiem nono Julij Gedanum perventum est.

In diversorio *Oliva* (Monachorum alij dicunt) jam metu liberi, ac præsentissimo periculo ereptis invicem gratulantes, per duos dies hærebamus, aquæ nos commissuri; Magistratui interim præsentia nostra insinuatur, ille per Ablegatos suos cum fortunati itineris voto Dominos Ablegatos salutat officiosè, & multiplex diversis in vasibus vinum transmittit liberaliter.

Undecimo navem hinc ingrediebantur omnes, si me & famulum exceperis; qui cum ratis equos commodè non caperet, alijs secundo jam vento navigantibus ad littus maris Baltici equites in *Vogelsang* progressi, *Haffiam* trajecimus, & per *Op-pida Dolckomüden, Frauenberg, Braunsberg* jam relicta *Regiomontij* comites priori die

advenisse decimo quarto deprehendimus. Verùm cùm iratum mare voluminosos procellarum fluctus in *Haffia* sinum exonerando trajectum ejusdem reddidisset tempestuosum, Dominus de Bottoni cum conjugē ac aliquot famulis littus repetijt, tutior conductis rusticorum curribus, *Regiomontium* incognitò ingressurus.

Ad decimum septimùm hic commemorati Mensis diem, militē præ foribus excubante, nullis sumptuum expensis, quas Electoralis Camera liberè, & lautè in se omnes recepit. Consilio tandem à Principe de Croy Brandenburgici Electoris Locum-tenente, qui litteris viam per *Livoniam* dissuadebat, accepto, eandem per *Samogitiam*, & *Lithvaniam* resumptis curribus ac equis promovimus, post superata quinque dierum spatio triginta milliaria, fluviòsque *Schupp* & *Memmel* trajectos Prussiæ confinibus vigesimo primo Julij exeuntes.



CAPUT IV.

*Iter per Lithvaniam usque ad
Moscoviae confinia.*

Alius jam hominum genius, patria incultior, nobiles Poloni: Horum aliqui Sacrae Sæsareæ Majestatis Salvi conductûs litteras, summa cum reverentia exosculantes, mirûm suspiciebant, alij verò nullâ earundem ratione habitâ transitum Rege Poloniæ inscio disputabant, moram properantibus nobis iniicientes. Palæstinam hic invenimus, soli enim hospitio nos suscipiebant Judæi, omnes germanicam edocti linguam: in quorum tugurijs divergentes, inter medias sylvas latere, quàm in oppidis continuis explorantium quæstionibus inquietari maluimus.

Vigesimalium secundum, tertium, quartum, & quintum continua peregrinatione per oppida *Weluna*, *Schretnisz*, *Vvilikin*, *Caun*, *Krumbshutzka*, *Wevia* consumpsimus, antequam *Vilnam* Lithvaniæ Metropolitim, & sollicitudine, & victualium penuriâ fatigati attingeremus.

Meliora sperabamus ibidem nobis confor-

20 *Caput IV. Iter per Lithuan.*

fortandis remedia ; sed Domini Ablegati incognitò urbem ingressuri , ne majori comitatu stipati proderentur , unà cum uxore , filia , famulâque , assumptis Præfecto , Cubiculario alijsque duobus pedissequis , in constituto jam *Vilna* hospitio remanserunt. Nos cæteros viarum ignaros ad proximum quòdque diversorium cum impedimentis dimittentes. Jam patientia nostra cum sole ad occasum properabat , & duo milliaria restabant emetienda , quæ tenebris viam surripientibus absolvebamus. Villæ *Populan* nomē erat , duo rusticorum tuguriola complexæ : locus divertendi nullus , aqua leucæ spatio advehebatur , panis nisi qui de cælo caderet in hoc deserto nullus , cubilia nostra haræ aranearum aulæis vestitæ , subsellia ministrabat linter , atrium fimi peristromatibus contectum , pallatium totum porcorum & vaccarum ambram spirabat , pocula nobis eadem quæ bestijs , nobiliorem tamen liquorem propinabant : vinum enim Tokayanum de facto corda nostra lætificabat , animósque instrumentalis musica à mœrore excitabat. Mactatum quidquid avidæ capiebant manus , non servata anseri

feri capitolia, non gallo & gallinæ reclamantes villici patrocinebantur, quin secandum cogerentur jugulum cultro submittere, & ruricolæ dato liberali ære cogerentur dilescere.

Nec interea nostri omnimodè immemores Domini Ablegati, qui cerevisiam, panem, carnemque submittebant; quæ cum serè nimis post ultimum assati jam galli cantum, ob fractum in sylvis vehiculum advenissent, alijs diebus inserviebant, sex enim in hac solitudine stativa habuimus, usque ad Julij trigesimum: Advenientibus verò pridie Domini Ablegatis, quos decem Tartarorum currus impedimentis onerandi subsequebantur, iter promovimus. Novæ Kalendæ mensem novum parturiebant, cum nescio quo morbo ceperat graviter laborare Domini de Bottoni privigna, quam ne medicorum ope in ulteriori via destitueret malo crescente, *Vilnam* reducunt Legatione in binas partes divisâ; remittente tamen morbo tertio post die in hospitio *Mesotha* dicto conveniebamus. Quarto Augusti Superatis *Smorgonia*, *Markova*, *Leunshu*, *Melotezna*, *Crasna*, *Radisko*.

22 *Caput IV. Iter per Lithuan.*

diskovvitz, Numskina, Oppidis ante meridiem Civitatem *Minskij* sumus ingressi.

Quiescebamus hic ad alterum mane, quo divisione Legationis factâ pars cum impedimentis ulterius movebat, pars cum Dominis Ablegatis apud ægrotam filiam remanebat.

Confeceramus illo die septem milliaria in oppido *Smovitschi* pernoctantes, ubi quidam ex Regis Polonici exercitu equitum Magister, Colonellum Moscum cum comitatu suo *Smolensko* petentem detinuerat, patentes proprii Regis non æstimando; à nobilitate scriptas desiderans, quas ni afferret discedens, omnium bonorum deprædationem minabatur, Nobisque incassum obtestantibus & ad Legatum referentibus discessum negabat. Botulis tandem fumigatis os ejus in libertatis verba apertum expugnâvimus, ac dein felici progredientes itinere, nullo detenti obstaculo intra quinque dierum spatium per oppidum *Walislauf, Natza, Gruppa, Vpoben, Majauca, Odritz, Starasica* post emensa 49. milliaria, *Sclouva* ad Borysthenem advenimus, ubi Domini Ablegati decimo Mensis.

Menſis nos inſecuti ſunt. Quibuſcum
Haradiſka, Horcki, Hare, & Cadin pera-
gratis Lithvaniæ valediximus Moscoviæ ſa-
lutantes confinia.

C A P U T V.

*Suſceptio in Confinijs Moscovi-
ticis die 16. Auguſti.*

Innumeris viæ moleſtijs, & difficultati-
bus tandem duodecimo Auguſti, poſt
novem ſeptimanas in itinere conſump-
tas, confinia territorij Moscovitici, nullâ,
ob continuas Polonorum explorationes, &
inſidias, præmiſſâ inſinuatione intrare co-
acti, in primo Magni Ducatûs Smolenſci-
enſis vico, nomine *Riſchano*, divertimus.
Unde Laurentium Rinhuberum Legatio-
nis Medicum, aliquam hujus patriæ & Lin-
guæ notitiam habentem Smolenſciam di-
miſimus, tum ut ejus Loci *Wewvoda* ad-
ventum noſtrum denuntiaret, cum etiam
ſuſceptionis urgeret maturationem. Re-
diit is quarto poſt diſceſſum die, referens:
Nos inſequenti à *Priſtaſo* ſeu Commiſſario
Bogdan Andreovvitz Gulnoſſ, miſſis unâ
cum

24 *Caput V. Susceptio in Confinijs*

cum illo regni cancellario, & interprete Latino pro more suscipiendos, & ad desideratum locum suppeditatis, quæ impedimentis nostris sufficerent, vehiculis deducendos. Altero ij vix orto sole adsunt equites, suis stipati ministris, præsentiam nostram, & alloquium flagitantes, neque adhuc tugurio egressos nos conspexêre, cum subitò ex equis desiliunt, obviam procedunt, & humanissimâ capitis inclinatione iterum iterumque salutant, reciprocè à nobis salutati.

Hinc Commissarius cum protestatione ordiri sermonem ob loci indecentiam, ad *Magni Czari* titulum proferendum, à Quo se missos ajebat, ut Ablegatis, à Romanorum Imperatore LEOPOLDO (simili ratione tituli factâ protestatione) de felici adventu gratularentur, & dudum præoptatos hospites *Moscuam* deducerent, ibidem de gravioribus Commissionis, cum ad id muneris deputandis, acturos. Tugurium dein subeuntes in Sanitatem Angustissimi Cæsaris LEOPOLDI, nec non Augustissimæ Conjugis CLAUDIÆ FELICITATIS indagârunt; variòque de novellis sermone collato ad
pran-

prandium invitati illud nobiscum sub tentorio nostro, repetitis Sacræ Cæsareæ Majestatis, Magnique Ducis per pocula prosperitatibus celebrârunt. Remotis dapibus Omnium nomina & officia scripta per interpretem sibi dari postulârunt, ut ex iisdem præmissis, quoquo nos venturi, intelligerent pro numero personarum victûs necessaria procurare; cui petitioni mox satisfactum ac per Secretarium ad eorundem hospitium singulorum cum officijs nomina delata.

Sequenti mâne dècimo septimo scilicet Augusti, unâ cum triginta impedimentorum curribus, varijs strelicis (sic pedites appellant) pro majori securitate, & custodia adjunctis, inde môvimus, superatôque Octavo Lapide in medijs sylvis pernoctavimus. Ubi ut & nos, & equos à periculosa urforum infestatione salvaremus, frequenti bombardarum explosione, multiplicique ignium excitatione idipsum impedire laboravimus: Usque dum die adventante iter denuò ingressi, tam celeri rotâ, ut paucis post horis *Smolenscia* propinqui non nisi unicum milliare Germa-

26 *Caput V. Susceptio in Centinijs.*

nicum restaret emetiendum , ubi com-
morantes , *Pristasum* pro impetranda in-
tromissionis licentia præmisimus.

C A P U T V I.

*Ingressus in Civitatem Smolens-
ko 18. Augusti.*

URbem hanc non ingentem minùs
quàm insignem , ceu , inexpugna-
bile patriæ totius antemurale , &
potentissimum Borysthenis *Nieper* frænum,
Mosci præ cæteris habent maximi , néque
ab ultimo quo eadem , Polonis incubato-
ribus exactis postliminio in *Czari* fidem re-
versa est, tempore, ulli exterorum Prin-
cipum Ministro vel Legato introitum tran-
situmve concesserunt; hoc uno ex capite ,
ne fortalitij observata constitutio futuro
hosti manifestetur. Hinc fit ut Magnus
Dux huic loco præcipuo , & primario gu-
bernatore (qui tum consanguineus Czari
erat) & multo præsidario milite soleat
providere, capitis adjunctâ sententiâ ne pe-
grinorum ulli Gubernator sui aditum
permittat ; intellecto tamen nos continuâ ,
& lon-

& longinquâ peregrinatione totos defatigatos ibidem quietem, & aliquot dierum respirationem anhelare, ut animum, & fidem in Romanorum Imperatorem ostenderent, non tantum petito nostro fecerunt satis, sed inusitatâ insuper pompâ, & solennitate in ipsam urbem introducere decreverunt. Verum ut ad id eo melius se se pararent, unico milliari à civitate tentoria nostra figere, ac aliquot horis cum summo tædio, & cibi potûsque desiderio inter sylvas hærare oportuit, usque dum Commissarius obtentâ intromissionis licentiâ cum suis à *Weivvoda* redux favore singulari, nec ante hac peregrinorum ulli exhibito permissum toti Legationi Cæsareæ introitum renuntiaret.

Consensus itaque curribus intra mediam horam in magnæ urbis, quæ sylvarum, ac collium munita ambitu, oculos nostros hætenus effugerat, conspectum venimus, atque patienti in campo, innumeralem ferme strelizorum, & curiosorum hominum multitudinem unâ nostri videnti cupiditate obviam procedentem offendimus, quæ nullo servato ordine ambiebat

28 *Caput VI. Ingressus in Civit.*

omnes, & consternatorum instar germanum hominem mirabatur. Tandem equestris cohors cum duce suo nos exceptum venit, ita ut præeuntibus equitibus, latus vero *Strelizis* stipantibus, equitante à sinistris Commissario, Regni Cancellario, & Interprete, à dexteris verò primarijs officialibus nostris comitantibus, currus Dominorum Ablegatorum medius ipsam Urbem attingeret, copioso ad portas milite, arma martiali obsequio præsentante, in plateis verò magno indigenarum confluxu adspectante, qui sese ad Arcem usque novam quam petebamus extenderat: alia etenim vetus in ulteriori *Borysthenis* ripa extructa, ædificia gremio complectitur tam numerosa, ut civitatis formam æmuletur, quam alluens ex uno latere fluvius, ex altero accuti stipites, in medio autem exurgens scopulus, cui templum impositum Divæ Virginis consecratum, reddunt formidabilem. Illam nos dum ingrederemur nomine *Wesivoda* quidam ex belliducibus aggratulus est, sanitate prius nostrâ pro more gentis intellectâ. Invenimus hîc quidem jam ordinata omnia, cuique suam cibi potus-
que

que assignatam portionem, sed non paratam, quam jejunos diu stomachus repetito murmure avidissimè anhelavit. Triduum ibi quieti, inter maximas cum *Weiwods* contentiones consumpsimus, qui nec sufficientem, & necessariam pro reliquo itinere peragendo huic Legationi pecuniam ministrare voluit, nec requisita victualia suppeditare potuit. Conclusio denique una fuit; ut de proprio provideremus, copiosâ à *Czaro* refusione restituendo: quod ubi acceptum est, Moscuam quarto post die, numerofo milite stipati movimus.

CAPUT VII.

Iter inter Smolensciam & Moscuam.

Iter, quod *Moscuam* inter & *Smolensciam* reliquum, uti à deprædatione urforum periculosum, ita ob continuam sylvarum extensionem maximè tædiosum erat, nec aliud nisi hoc unum, amputatis in latitudinem triginta circiter passuum dumetis pervium, multoque ex arborum sublicis ad unum, & duo milliaria super paludes

30 *Caput VII. Iter inter Smolensc.*

des ponte stratum, itinerantibus pater; nec nisi tria oppida sunt intermedia, quorum est Drogobusa *Drogobusch* primum ad *Borysthenis* ripam situm, & arce in montis fastigio totâ lineâ, quam vallus coronet ligneus, munitum; distat hoc septuaginta duobus Moscuâ miliaribus, polonicis Octodecim autem *Smolensko*, ubi alijs equis, & curribus subministratis, tertio post die *Wesmæ Wetzmæ* ad *Hugram* (amnis is est non procul *Drogobusa* in sylvis ortus, Ducatum Smolensciensem & Albam Russiam dividens) circa prandium apqulimus; Unde mutatis vehiculis milite præsidario ad utrâmq; arcis portam, in longum ordinem disposito, elatis paratisque armis, inter tympanorum strepitum discedentibus inserviente, post superata diem intra & medium sex supra viginti miliaria oppidum *Mozaysko* attigimus: nec indè solvimus, priûsq; Commissarius, ad missas *Moscuam* per cursorem litteras responsum & mandatum de instituendo itinere recepit; ne quicquam nobis ejusdem urgentibus maturationem, & id responsi unicum, obtinentibus: nolle *Czarum* exterorum Principum

Ablegatos, suas terras Cursorum instar peragrare.

Reverso tandem tertio post die nuntio renovatis equis ac curribus residua ad terminum octodecim milliaria aggressi sumus, de necessaria prius annona providentes: In his tribus enim memoratis oppidis omnis cibus potúsque pro toto itinere coemendus; cum in alijs rusticorum villis, ubi interdénssimás sylvas, tres quatuórve casæ, à populo sylvestri nihil pro auro, & argento sit obtinendum, præter cepas & allium, quorum fumo magalia eorum adedò oppleta, ut lacrymabundi germani oculi, & nares hujus foetoris impatientes, ad ingressum reformidârint: ac id multis difficile accidit in eodem hypocausto pernoctare; quod parentes cum liberis, jumentis, ac bestijs idem foetidum inhabitabant, nullo sejuncti ab invicem obstaculo, nisi quòd homines in alto super fornace, & pendulis asseribus, domini & famuli, heræ & ancillæ, ac liberi inter se confusi, nullo lectorum usu adhibito cubent, rectiùs stabulentur; uti quatuor conjugum paria simili in thalamo promiscua dinumeravimus; Oves ve-

32 *Caput VII. Iter inter Smolensc.*

ro & porci terram incolant, omnes uno eodémque foco & hyeme, & æstate calefaciente.

C A P U T VIII.

Ingressus in Urbem Moscuam
4. Septembris.

Tertius Gregoriano nobis stylo Septembris erat, Russi Julianum veterem observant, dum in vico *Viesenka* sex milliaribus Moscuâ dissito, mentem Czareæ Majestatis de ingressu nostro præstolantes hæreremus, circa horam secundam pomeridianam *Sirelizus* eques ad Pristavum Smolensciæ nobis adjunctum ex urbe missus advenit unâ cum litteris, quibus ipsi tria eodem die milliaria nobiscum conficienda, residuum itineris verò in subsequens mane transferendum committebatur. Et vix spatio unius leucæ, quam *VVerstam* vernaculè appellant, superato, cursorem alium habuimus obvium Commissario annuntiantem, majori quàm aliàs celeritate procedendum. Nec hunc discedentem vidimus, & alij duo, de prætoræana *Czari* custo-

custodia equites subsecuti oretenus referentes, *Moscuæ* ad nos excipiendos in procinctu stare omnia, id unicum deesse ut dudum præoptatos hospites, modò præsentés in ipsam urbem pro dignitate possent introducere.

Cursum quàm potuère interim celerrimo nostræ arserunt rotæ, ac duobus à priori loco superatis milliaribus Germanicis, quorum unum quatuor *Versis*, polonicum verò quinque componitur, adsunt de nobili Russorum sanguine Aulici duo, roseo vestiti serico aureis limbis intexto, indieantes; unicam Czareæ Majestatis voluntatem esse, ut Domini Ablegati Cæsarei eodem adhuc vespere Moscuæ susciperentur, totam præterea urbem adventum nostrum desiderare, quod dum à Pristavo Dominis Ablegatis indicaretur, impossibilitate ob magnam urbis & distantiam, & ingruentes noctis tenebras prævisâ, id responsi dabant: non posse sibi persuadere abs Czarea Majestate quidquam impossibile injectum iri; néque tantâ Russos aviditate, quantâ nos ipsos, adventum & præsentiam nostram fla-

34 *Caput VIII. Ingressus in Urb.*

gitare, sed tantum iter inhibere, ac quominus id fieri possit, seram noctem ponere obstaculum; Accepto responso incitatis illi equis viam suam relegere; nos autem uno etiamnum relicto Lapide, nequicquam Russis ad noctem usque concubiam adventui nostro præstolantibus in vico *Namona-vo* pernoctare.

Altero die, qui quartus hoc mense affulserat, sub horam nonam antemeridianam, Dominus residens Danus *Magnus Goe*, cum Domino *Menefio* in officijs Czareæ Majestatis belliduce nos præsalutatum venit, quibus Pristafus prius de Czarea conveniendi licentia inquirens, aditum concessit liberrimum, varióque sermone colato; in summo nos dubio, de intromissione illo die in Urbem Moscuam relinquentes, post duas horas sunt regressi.

Non multo post Czareus adest cursor qui jubet ad iter nos accingere: nec mora, celeri magis, quam alias unquam vecti rotâ nonnullos nobiles, arcu & sagittis armatos, secumque canes venaticos, britonésque ducentes obvios habuimus: comitabantur hi aliquamdiu currus nostros; sed venationem

tionem exinde simulantes , inter dumeta ubi & Czaream Majestatem ex insidijs latitasse , nos per tubum opticum contemplantem , ajebant, ad unum omnes remanserunt.

Interim ad ripam fluvij *Moski* , qui urbi & patriæ nomen indit , ventum erat , quo trajecto magnum plebis confluxum ex colle , ad frequentia quæis *Æolus* imperet molendina conspeximus : ac dum rheda Dominorum Ablegatorum ad littus esset exposita , extemplo adest Commissarius à *Frisstaso* retro collem expectante missus , qui & Principalis sui nomine Dominos Oratores salutatos de eorundem incolumitate ac salute interrogaret , & mox suscipiendos insinuaret.

Collem ex toto needum conscenderamus , & ecce instructæ lanceis , paratisque bombardis , novem unâ cum signis suis (unum præter cætera Magni Ducis insigne , imperatoriâ concessum benevolentiam , Aquilam nimirum bicipitem , non elevatis tamen , sed demissis expansis alis referebat) tympanis item & tubis equitum cohortes : stabant ex hac parte glomerati inter se gregarij :

36 *Caput VIII. Ingressus in Urb.*

garij, certo vestium ornatu distincti, & vir viro ordine longissimo adhærebat : ex adversa alarum vice explicabantur voluntarij nobiles, vestibus admodum pretiosis, auro argento & unione gravibus conspicui, generosissimis insidentes caballis, quos non aurum modò frænabat & argentum, sed tegebat etiam peristromatis nobilissimis speciosè phaleratos. In medio regia rheda rubro obducta holoserico varijs elaboratis & inauratis figuris exornata, atque decem nivei de sella Czarea consistebant sonipedes, quibus primarij Legationis officiales forent imperaturi. Aderant itidem duo *Priest* belliduces, qui dum ex equis desiliunt, Dominos Ablegatos ad exscensum è curru sollicitatos, detecto prius capite titulum Czareæ Majestatis recitantes salutârunt; dein de felici itineris successu sciscitati, ac demum Czaream Majestatem ad affectum suum indicandum rhedam suo usui propriam pro solenni Dominorum Ablegatorum introductione ajebant misisse. Respondit omnibus appositè Dominus de Botroni Ablegatus primarius, ejus sermone finito *Priest* porrexêre dexterâs, ac in Czareum

Moscuam 4. Septembris. 37

Czareum currum, primarium offerentes locum, ipsi vero ex adverso confidentes introduxerunt.

Clangebant interim ex utrâque parte tubæ, volitabant signa equestria, personabant tympana, atque in novem distincti cohortes equites, sua signa præferentes membratim procedebant; post quos rheda Czarea sex equis regio ornatu stratis vehebatur. Equitabant ex utroque latere primarij officiales nostri, stipabant currum pedissequi, & *Strelizi* innumera populi frequentia subsequente: Inde sesqui milliariibus germanicis per urbem Moscuam confectis in magnam Legatorum domum, varijs tapetibus intrinsecus vestitam, per totam equitum coronam introducti sumus.

C A P U T IX.

Novus Ruthenorum Annus

11. Septembris.

HÆrebamus sex continuis diebus inter parietes, milite præ foribus excubante, donec undecima mensis Septembris illuxisset, Ruthenis hæc re-
nascen-

38 *Caput IX. Novus Ruthenor.*

nascentis anni auspiciatur principia, qui ætate & anno pariter exeuntes, annum cum autumno exordiuntur: nec vanè, cum Rabbinis enim & Patrum compluribus, eo tempore locupletatam maturis jam frugibus terram indubitato tenent à Deo procreatam; ideoque anni & orbis circulum eodem à puncto describentes ex eo annorum texunt incunabula, à quo nata temporum credunt primordia. Circa horam ejus diei nonam matutinam; Russis horologio planetario, Judaicas horas numerantibus tertia erat, abs *Czaro* missus *Pristafus* adest *Jacobus Gergewich* cum socio *Diako* & interprete, regioque curru, nec non sufficientibus equis totæ familiæ inservituris, ut ad destinatum Solennitatis Locum deducerent.

Consensâ Rhedâ Domini Oratores *Cæsarei*, prima in eadem occuparunt loca inferiora tenentibus *Pristafis* cum interprete: Hos ex ijs, qui *Czarum* exeuntem comitari solent, triginta satellitum turma præcedebat, viamque in confusa populi multitudine, quæ se festo illo die in plateas effuderat, parare satagebat, quam decem ex nostris

nostris Pedissequis vestes ex panno caruleo varijs coloribus non parcè fimbriatas induti, suosque accincti gladios sequebantur. Post illos octo nobiliores Officiales nostri in totidem superbè phaleratis equis, claudente illorum ordinem Czareo stabuli vicepræfecto, procedebant. Ultimò ipse currus, utrumque latus Magni Ducis securiferis stipantibus, ac detecto semper capite comitantibus,

Quo ordine ad aulam deducti, in magna illa area quæ Czari inter palatium & summum Sanctissimæ Trinitatis templum *Troges*, media est, ingentem peditum sive Strelizorum numerum, varijs ad notandas cohortes ex panno coloribus distinctum, & sub sua quémque signa in phalanges & manipulos distributum reperimus, quos inter patefacto aditu Domini Ablegati, non priùs ex curru descendere, quàm ad porticum quandam in magna illa area sitam pervenissent. Erat hæc plena populo, sed ad nostrum adventum majori ejus parte retrocedere, & locum dare jussa, ad extimam illius Anguli partem, quæ Czari ædes, & templum simul respicit, penetra-
vimus.

vimus. Ubi tanquam in digniore loco commodiorem stationem præparatam invenimus, Residente Danico & Polonico à sinistris loca sua occupantibus.

Totum illud solum quod ad lævam est, & Palatium Magni Ducis à diametro aspiciat, elaboratis arte persicâ tapetibus vestiebatur: In ejus umbilico assurgebant duo in throni speciem elevatiora tabulata, quorum dexterum pro Czaro prædivite ex auro peristromate coopertum ascensum per quatuor gradus præbebat nullo in eo posito subsellio: in altero ad sinistram Patriarchæ, quem Archi-popam dicunt, destinato, erat quidem sedes, sed videbatur aliquanto demissius, trium nempe tantum graduum & bombyceis persici operis tapetibus contextum.

Dato per multarum campanarum pulsum signo, à templo, quod ad lævam Palatii est, procedit cum Clero suo, Episcopis, & Metropolitibus postremus inter duos Diaconos Patriarcha, prædivite ex auro, margaritis, gemisque intermixto paludamento juxta formam pluvialis, & pallio Archi-episcopali contextus; Tiara, quam
capite

capite gestabat, ex auro erat ad formam regiae coronae cum diademate & cruce: Cæterorum Archi-episcoporum, Episcoporumque eadem ferè habitus forma, præterquam quòd eorum tiaras, diadematis crucisque expertes margo de pelle Scythæles, est is mus ponticus quem barbarè *Hermelinum* vocamus, ambierat.

Patriarcha ad aream appropinquante in eandem per adornatum ad levam descensum Dux ipse Bojaris suis, & Magnatibus prodibat circumcinctus; cùmque ad throni gradus hic substitisset, Patriarcha, qui gressum ejus suo metiri lentè, & quasi ad numerum mensuramque procedere observabatur, illi propinquior factus cruce aureâ, varijs distinctâ gemmis, quam manu gestabat, elevatâ, operientem, & caput inclinantem ter signat: Inde propius accedens uno alteròve passu obvium, mutua capitis inclinatione salutatur. *Cæsar* oblatam crucem ternis osculis suaviatur, deosculatâ postremum Patriarchæ manu, qui vicissim porrectam *Cæsar* osculatus, post mutuos amplexus loco discedit, hic ad sinistram ille ad dexteram, ubi consensu solijs, *Cæsar*

D rus

42 *Caput IX. Novus Rutbenor.*

rus in suo stans, facie ad Patriarcham in suo pariter stantem, versâ, ab illo ternam benedictionem utrâque manu liberaliter sibi impertitam capite reverenter inclinato accipit: prolatum postea à Camerario quodam Ducalem pileum, imperiali coronæ persimilem, baculûmque qui oblongus cuspidè armatur inferius crescentis superius Lunæ cornua imitatur pari benedictionum numero Patriarcha signat; inde ad Episcopos utrumque arcæ latus tenentes manibus converfis, eosdem duplici benedictione, reliquum verò Clerum, Bojarositidem, & populum simplici quidem, sed multâ dignatur, omnibus ad eam excipiendam solum capitibus suis attingentibus.

Accepto dein thuribulo, postquam cruci ipsi, in aurea pelvi collocatæ incensum cremâisset, ad Magni Ducis solium accessit, relictis in medio duobus, qui comitabantur, Diaconis; à solio suo descendenti, & in solo collocato Duci propinquior factus, thuribulo ternis illi vicibus incensum ter adolevit, non intermissâ corporis post unamquamque vicem inclinatione, cui officiosè

ficiosè etiam Czarus respondit : eandem ceremoniam ostenso post solium ducali pileo, baculòque exhibuit.

Separati ab invicem, uterque denuo ad solium reversus: Patriarcha in suo stans, eodemthuribulo incensum accepit, à Diacono quodam, qui ejus etiam pedum, seu baculum tergeminae Romani Pontificis cruci non dissimilem fumo adolevit, inde recepto iterumthuribulo, ipsemet Archiepiscopos, Episcopos, reliquumque Clerum, Aulam totam, populumque odore putatitiae suavitatis implevit, versà mox ad unam, mox ad alteram partem facie, Diacono interim uno, altà voce Lectiones librorum Genesios, de Mundi creatione legente, idiomate Slavico : personabat chorus incondito Rutheno clamore, à musicis accentibus plane remoto, suum *Gospodi pomilui*, quod est Domine miserere, identidem repetito ingeminans.

Fumare cessabant, quæ populi incensatione æstuarent, thuribula cum Patriarcha de solio descendere, & sacrae Scripturae, aureâ gemmatâque theca inclusæ, cujus pretium centum millium aureorum summam

44 *Caput IX. Novus Ruthenor.*

excedere audacter affirmant, atque imaginibus quas Rutheni prope idololatrantur, ordinatim circa frontem aræ, quæ è regione nostræ porticûs erat, dispositis, eundem honorem exhibere, ac spongiâ leviter ab ijs pulverem abstergere, easdem aquâ conspergere, & denuo in adornatum sibi locum reverti, postquam transeundo ante Czari thrônum; terna eum corporis inclinatione ab eodem resalutatus, salutâisset.

Sederunt ambo, Patriarcha in sua sede, Czarus item in aliâ à suis in hunc finem allata, & folio imposita, donec reliquæ ceremoniæ circa imagines à Clero peragerentur. Illis absolutis surrexerunt simul, & Diaconus quidam, acceptâ à Patriarcha benedictione, librum Evangeliorum, multo auro ornatum postquàm religioso incenso fumigâisset, aperuit, & Evangelium quoddam, Sclavo pariter idiomate compositum, alto vocis sono pronunciavit, clausum postea obtulit Patriarchæ, qui de folio suo descendens, Czaro eum in finem jam solum prementi, osculandum præbuit; reversusque in locum suum Czaro in folio quoque denuò stanti plenis manibus gemina-

vit

vit benedictiones, idémque Episcopis, Clero, & omnibus adstantibus præstitit. Inde depositâ tiarâ suâ, manu utrâque prehensens crucem, illâ Czaro, omnique populo benedixit.

Impositâ demum vertici tiarâ descendit ex solio, & Czarum ad pedes throni sui expectantem è charta salutavit oratione satis prolixâ, ei precatus felix novi anni auspicium: Ille senigratias retulit brevioris usus sermone, quo finito lustrali aquâ, abundanter aspersus, ita ut ambabus manibus, faciem, oculos, barbâque pro more gentis, summa cum devotione ablueret. Conscensis solijs venerunt Metropolitæ, Episcopi, Abbates, bini & bini, qui inclinatis ante Czarum capite corporéque novi anni initium ipsi primum, dein verò eâdem ceremonia Patriarchæ apprecati sunt, ab hoc vicissim benedictione, ab illo modicâ verticis inclinatione resalutati.

Post digniorem Clerum Bojari & Mag-nates Principem suum in solio detecto semper capite stantem demissis ad terram usque verticibus venerati sunt, loquente pro omnibus *Bojaro Knesio Adovvirzko.* Ex alia

parte Episcopus nomine aliorum & totius Cleri Patriarchæ uno eodémque tempore, novum annum gratulatus est,

Peractâ utrinque oratione omnes belli duces, qui ad lævam erant, cum omnibus copijs, quæ in numerosas phalanges dispositæ forum totum implebant, populus item omnis in nictu oculi, capitibus suis terram percusserunt, acceptante appreciationes *Czaro* nutu capitis vultûsque. Erat sanè hoc ut obsequiosum, sic ad commovendos animos efficax spectaculum. Patriarcha, iterum depositâ tiarâ, quod statim Episcopi & Metropolitæ imitati, descendit de solio, & acceptam de pelvi crucem; postquam *Czarum* ter illâ signâsser, eidem osculandam præbuit; ille deosculatâ demum Patriarchæ manu vicissim dexteram suam osculandam dedit, & iteratis mutuis amplexibus, ab invicem discesserunt.

Czarus, qui durante hac ceremoniâ Dominos Alegatos directè ante oculos habuerat, inter ambulandum locum versus, ante porticum nostram situm, in quo erant positæ imagines, misit ad eosdem *Domnidia-kum*, seu magnum regni Cancellarium qui nomine

nomine suo interrogaret, Augusti LEOPOLDI dilectissimi fratris sui Ablegatos, num prosperè etiamnum valerent? Quod cum ab ijsdem debitâ gratiarum actione peractâ, affirmari cognovisset, protinus ad Magnum Ducem, jam Palatij gradus ascendentem reversus est, relaturus ea quæ perceperat.

Finitis omnibus eodem quo exiveramus ordine domum regressi; ubi novam iterum Czari gratiam experti: hæc enim inter alias consuetudo ab aula Moscovitica sancta, & illæsa conservatur, ut quotiescunque exterorum Principum Ablegatis publica in solennitate Czareæ Majestatis claros, ut ajunt, oculos intueri concessum fuerit, eosdem copiosâ ciborum de propria mensa liberalitate soleat beare: sic eodem nos die quo primùm suo aspectu, ducali quoque tractatione dignatus est: in triginta enim argenteis majoribus patinis, per totidem bajulos, varias huic nationi imprimis charas cupedias, allio & cepis non parcè conditas, addito insuper in duodecim cantharis potu, mulso nimirum, crematō & cerevisia transmisit, quibus potius Germa-

norum oculi , quàm stomachus , his condimentis non assuetus cogebantur satiari.

C A P U T X.

*Prima à Czaro Audientia in
Arce Kolumski die 12.
Septembris.*

Secundus novi anni dies (nobis duodecimus Septembris) primæ abs Czaro audientiæ exhibendæ determinatus erat : qui ut curiosum Conjugis pascere genium , huic actioni publicæ , occultatâ præsentia interesse desiderantem , cum in consueto audientiarum loco eidem non posset satisfacere , voluit rem in arce *Kolumski* Moscuâ germano milliari dissitâ , institui ; promissione prius factâ nullam inconvenientiam ex hoc capite secuturis inferendam. Adfuere igitur prandio domi sumpto , supra memorati Commissarij & interpres cum regia rheda , adductis superfluis ex Czareo stabulo equis , uti divite sic ad pompam magnifico ornamento phaleratis , nobis per totum iter obsequiosa tergora præbituris , & perceptâ Dominorum Ab-
lega-

legatorum incolumitate, eosdem ad dictam arcem (quo exiverat de mane Czarus) cum suis evocarent.

Equestris de prætoriana custodia præibat cohors, coccineo habitu luxurians; postquam dona Cæsarea thecis suis involuta per mediam urbem, à ministris Magni Ducis ordinata serie ferebantur: Hæc decem Pedissequi nostri tesslerarijs vestibus distincti ac octo nobiliores bini & bini equites sequebantur, Czareo stabuli vice-præfecto intermedio: Ipse demum currus, quo Domini Ablegati cum *Pristasis* vecti ab electis sex equis tigridum instar maculatis, trahebatur; ex latere quodam officiali nostro litteras Cæsareas ad Magnum Ducem præferente, magnâque securiferorum turma subsequente: qui ordo per totum iter immutatus servabatur, & quo Czarissæ de longè nos adventantes contemplanti plenius satisficeret; à misso obviam equite, à via devij per medios agros, & patentem campum circumducti, ut oculos progressu nostro pasceret diutius oblectatos.

Duo in convalle ad respirandum figebantur tentoria, quæ subeuntes, quiescebamus

tamdiu , usque dum apertis donorum involucris , & mutatis currûs sejugibus , qui augustiori tegumento ornati , carenulas in super in calceamentorum extremitatibus , cymbalis intermedijs ad passuum mensuram numeroso concentu tinnientibus , affixas gerebant , arcis fastigium conscenderemus , cujus ampla satis duo vestibula milium aliquot virorum armatus exercitus , signis suis , & tormentis campestribus (quæ inter duæ colubrinæ argenteæ eminebant) instructus , implebat.

In horum primo ad secundam arcis portam nonnihil hærendum , donec omnes post descensum ex curru & equis , gladijs nostris depositis inermes , præter Dominos Ablegatos (qui soli palliati incedebant) reliquum iter per medias cohortes ex utroque latere inservientes , priori servato ordine , pedites prosequeremur , adventum nostrum præstolante è fenestris , Czaro cum suis Bojaris , & Principe filio , qui hac primum die in publica audientia legitimus hæres , & Patris successor proponebatur.

Ut in horum conspectum venimus , Magnumque Ducem , qui totum procedendi ordinem

in Arce Kolumski 12. Sept. 54

ordinem observabat, contemplati, ad primum ejus intuitum capita officiales nudavimus, quod idem *Pristafus* à Dominis Ablegatis, repetitâ monitione, ob Czareæ Majestatis præsentiam humanitatis saltem causa præstari rogavit; qui quidem discooperto capite eandem venerati sunt, donec aspectum præterijissent, ac primos Arcis gradus attigissent, quos penes ab Officiali quodam Czareo nomine salutati, eosdem tecto vertice ascendentes in summitate, de quo per alium Commissarium excepti, per aulam, & conclave conferto ministrorum famulantiûmque examine repleta, ad ostium Auditorij pervenimus, quo, post rogatum per *Kneefiorum* duos sanitatem aperto, Czaream Majestatem in throno, qui baldachino nudus, collocatam, Eidem ad lævam serenissimum filium assidentem conspeximus. Uterque suum manu tenebat baculum cujus summitati semiluna dabat coronidem.

Habitus Ambobus ex rubro serico, tam thoracis (quem *Kassian* dicunt) quam togæ sinuoso ad terram volumine defluentis (quam *feres* appellant) aureis fibulis pro more

more gentis in transversum insutus ; collaria majorum unionum copia onerabat potius , quàm ornabat ; Mitram verò pretiosus lapis à fronte tergòque mentitis ab arte faculis accendebat ignitam.

Stabat ad dexteram supremus campi præfectus Czari consanguineus *Dolgeruki*, & Artamon Sergeowitz Matpheou , Bojarorum primus , ad sinistram multis Bojaris confidentibus , quatuor ante Czarum satellites præsto stabant tecto capite , & lunatis super humeros securibus armati.

Auditorium totum , quanto illud spatium patebat , figurarum varietate deauratum per quatuor solum fenestras immissam lucem excipiebat : Ingressi ante faciem Czareæ Majestatis terna à nobis corporis inclinatione salutatæ subsistebamus , ad quam D. de Bottoni Ablegatus primarius , ejus sinistris adstante Domino Terlingo prolixum satis sermonem getmanicè ex charta habuit , in quo salutem fraternam à Romanorum Imperatore (totum majorem titulum recitando) annuntians ; ab Eodem se missos agebat , ut mentem suæ Czareæ Majestatis (titulum nectebat supra relatum)

tum) circa arctiorem correspondentiam per binas Legationes Viennæ sollicitatam intelligerent, ac super hac cum negotio huic deputandis necessaria puncta stabilirent; siquidem plena eorum tractandorum & concludendorum potentia, à Sacra Cæsarea Majestate sit authentico credentialium tenore collata: appreciationem in fine ad Principem filium de felici hac die ejusdem propositione, & prima legitimæ successionis declaratione faciebat. Proposita dum interpreter idiomate Rutheno ad omnium notitiam retexeret, litteræ Cæsareæ per ambos simul Ablegatos ad manus Czari deportabantur, qui acceptas Artamoni *Sergiuvi* postmodum tradebat.

Reversos ad priorem stationem Dominos Ablegatos detecto capite Czarus ipse de valetudine dilecti Domini fratris sui **LEOPOLDI**, ac dilectæ sororis Claudie interrogavit: Eam patris quæstionem serenissimus filius, loco *fratris*, & *sororis* substitutam *Cognati* & *Cognata* titulum usurpando repetivit; & ut primum uterque Dominorum Ablegatorum ad manus osculum, à patre filioque admissus est, dexteras

54 *Caput X. Prima à Czaro Aud.*

teras eorum *Dolgeruki & Ariamone* tenentibus , quod quisque in accessu factâ ante Czarus reverentiâ præbebat : eadem in regressu eodem numero repetitâ , priorem stationem ambo simul relegebant.†

Czarus allato in hunc finem scamnò tamdiu eos faciebat considerare , donec à nobis omnibus , qui legationi ab officijs gratiam concedendo eandem manus osculum excepiisset.

Finieramus , & surgentibus de scamnò Dominis Ablegatis per interpretem insinuari volebat Czarus , ex litteris Cæsareæ Majestatis in vernaculam linguam translatis Domini Fratris sui LEOPOLDI mentem se perspecturum , certosque ex primarijs statûs Ministris nominaturum , quibuscum in deputando loco , ratione eorum quæ continerentur collatis salutarium mutuo consiliorum symbolis , conferentiæ instituendæ.

Afferébantur interea *Czaro* destinata & juniore Principi dona Cæsarea , ordinem illorum quodam qui à secretis , recitante : *Czarus* irretorto intuitu arbitrabatur singula , gratamque acquiescentis animi compla-

placéntiam in ijs ostendebat, quæ singula-
tim exinde ad Aulam auditorio contiguam
reportata. Solutus tandem congressus post-
quam monitus interpret, liberali nos cæ-
næ eodem adhuc vespere, in magna lega-
torum domo indicabat adhibendos.

Czarissa quæ toto illo tempore dum re-
censita perageretur solennitas, ex cubili
per januæ perforatæ rimas insidiantes o-
culòs intenderat curiosa contemplatrix, à
juniore principe filio januam, priusquam
omnes nos ex auditorio discederemus in-
cauté aperiente pròdebat.

Recensitò nobis ordine viam remetien-
tibus, in secundo propylæo obvium cum
donis suis prædivitem mercatorem offendi-
mus, aurum & mustelarum Scythicarum
exuvias Czarò oblaturum: Nos resumptis
gladijs equòs conscendere priorem viam re-
petituri; currum autem memorati cabal-
li ad primum tentorium, inde sex alij in
horum vicem substituti deproperantibus
priorem orbitam rotis retrahebant. Ve-
rùm cum ingruentes jam tenebræ, ac ipsa
nox viam oculis nostris propemodùm sub-
ducerent, sufficientes ex arce faces ad hanc
illumi-

illuminandam subministratæ, quarum beneficio circa horam noctis secundam, horologio enim planetario, Ruthenis non diei solum, sed noctis etiam tempora in duodecim horas æquali mora dividuntur, Moscuam pervenimus.

CAPUT XI.

Dona Cæsarea Magno Moscorum Duci delata.

Terna diversi operis dona Majestas Cæsarea Magno Moscorum Duci destinata, voluit non proprio, sed suorum Ablegatorum nomine eidem offerri: pretium hæc quinque millium florenorum, ut Rhenus æstimat excedebant.

Principem horum locum vendicabat de argento congius, in quo elegantia multiplicium figurarum simulachra artifex scite maleus exprimebat: Umboni Augustissima Romanorum Imperatoris, & Claudie conjugis effigies addebat majestatem, copioso geniorum tubas instantium numero coronatam, quæ cæli scalprique magisterium ingeniosâ symmetriâ elevabat: marginem

ginem parerga cælatis miro ornamenti genere floribus, decorabant elaborata.

Alterum cum aquali malluvium, multanglis ex cryſtallo montanâ folijs auro intermedio affabrè connexum, & ad quemcunque angulum pretioſo lapide munitum, manubrio, orificio, limboque ex puriſſimo auro inſigniebatur, ut rari ſic cari artiſicij: nitidiſſimum quippe Polygonum exceptos auri gemmarumque ſcintillantium radios, repercutiebat numeroſè auctos faceto oculorum ludibrio.

Tertium horologium rotatum majus ad parietem pendulum, cujus bractea argentum, index aurum, horarij numerorum characteres Turcoides, aliævè gemmæ in ornatam ſeriem eleganter diſpoſitæ, certante cum materia arte, curioſum & ſingulare opus exhibebat. Sed cùm Dominis Ablegatis unico die ante futuram audientiam per *Priſtaſum* indicaretur: & ſerenniſſimum Principem filium in eâdem primò legitimum patris ſucceſſorem proponendum, ac proptereà ex munificentia Cæsarea muneribus ſingulariter donandum; quod maximè pretioſi inter proprios theſauros con-

E

gerere

58 *Caput XI. Dona Cæsarea Magno*

gerere poterant, eidem è suo gremio obtulerunt. Erantque unio magnitudinem nucis avellanæ excedens, in formam leunculi concretus : duo horologia minora rotata aureis thecis occlusa, quorum quodlibet centum imperialium pretio licebat æstimatum : Chirothecarum itidem, pigmentarijs ambra odoribus imbutarum dodecas media, totidemque tibialium sericorum paria : Omnia in quatuor argenteis patinis disposita.

Mosci verò ut homines auri argentique imprimis appetentes, nullam artificij sed ponderis rationem habere ; nec quæ curiosa sed quæ pretiosa animos eorum pascere : quare factum, ut omnia prædicta dona bilance examinarent, non artem operis, sed valorem ponderis in pretium computantes.

Graviter quoque inter alia tulerunt, non Cæsareo sed proprio Ablegatorum nomine fuisse oblata dona memorata, cum tamen ipsorum Legati non suo, sed Magni Ducis nomine Romanorum Imperatori soleant offerre : & hæc plerumque sunt mustelarum, muriûmque quos Scythia & pontus alit exuviae, aliorumve animalculorum pelles

pelles , quas regio suppeditat numero-
sissimas.

CAPUT XII.

*Epulum à Czaro exhibitum post
primam audientiam 12. Sept.*

Vix Magnam Legatorum domum ex
Arce *Kolamski* reduces subiveramus,
& adest è vestigio de Camerariorum
Czaræ Majestatis ordine *Kneſius*, vestium
habitu & personæ gravitate insignis , cum
numerosa ministrorum phalange , cantha-
ris, poculis , phialisque aureis & argenteis
instructâ subsequente , ut nomine Magni
Ducis Regali nos convivio , basilicè exēpe-
ret epulantes. Hic dum in superius cæna-
culum vocatos per Pristafum oratores Cæ-
sareos coram cerneret , valetudine eorum
cognitâ : Czarum ipsdem suam gratiam in
liberali cæna ostendere inquebat ; pro qua
Dominus de Bottoni gratiarum actionem
exsolvere ; Architriclino interim dexterâ
niappam convolutam , elatâque tenente,
& ad *Kneſij* nutum explicatâ mensam ster-
nente , alijs salem & acetum in deauratis
vasculis apponentibus.

60 *Caput XII. Epulum à Czaro*

Primum in capite mensæ locum *Knefsij* jussu solus occupabat Dominus deBottoni, ad cujus dexteram nonnihil remotior *Knefsius* : ad sinistram verò Dominus Terlingo confidebat : Nos Officiales longo ordine, gladijs nostris succincti inferiora tenebamus tribus ex adverso Commissarijs convivantibus.

Onerabatur interim cibus mensa, qui cum ex aula unius fermè farciminis (Leucam illi *Wurst* appellant) spatio diffita, in argenteis majoribus discis, ob diminutionis timorem non adeo splendescantibus per plateas nullo oclusi operculo, omnesque simul deferebantur potius visum, quam gustum pascentes; Illorum præcipuo Moscorum condimento, allio & cepis imbuta varietas tanta erat, ut bajuli qui singuli singulos ordinatim apponebant, videntes nos solo odore saturari, deponendis continuò occuparentur. Inter alias quòque delicias apportabatur caseus recens coagulatus, artocreae inclusus, quem Commissarius solo digitorum subsidio promptum dilacerato oris hiatus per defluum pilosi menti siparium, candentem signando galaxiam

exhibitum post primam audient. 6r

xiam non sine jucundo assidentium spectaculo obtrudebat.

Kneesio postulanti scyphus aureus vacuorum rubentium mulso, quod copiosum saccharum dulcorabat implebatur, hunc ipse in sanitatem Magni sui Ducis Michalowitz (recitando totum ejus titulum ex charta) Domino Bottoni contra hanc protestanti sanitatem Romanorum Imperatoris præferendo, propinabat, unôque haustu ad pollicem eliguriebat : post totidem alios, quotquot eram eodem liquore coronatos, & à ministris circumstantibus porrectos cyathos, ille ipse singulis nobis tradebat; quos evacuare huic nectari non assueti licet recusaremus, animantibus tamen & urgentibus ad id Moscis cæcè obedire conabamur: atque propinanti Majestatis Cæsareæ prosperitatem infuso jam obedienciæ habitu præclarè simul respondebamus, nec à mensa discessum, donec Czari Juniorum Principum salus per pocula longissimo esset ævo devota. Hinc *Kneesius* motus fecit initium Dominos Ablegatos ducali hoc epulo jubens acquiescere, qui honorifica gratiarum actione peractâ, eun-

62 *Caput XII. Epulum à Czaro exhib.*

dem liberali munere donatum circiter horam noctis sextam (nobis nox intempesta dicitur) abs se dimiserunt.

C A P U T X I I I.

Prima Conferentia in Kremelino habita 14. Septembris.

Secundus post Audientiam dies fluxerat, & futura in *Kremelino* (Civitas est quam solus Czarus inhabitat) conferentia indicebatur, ad quam eadem, quâ consuetâ semper, solennitate ducti, in magno illo atrio, Czari palatium inter & Ecclesiam summam millium aliquot *Sirelixorum* exercitu passis vexillis tympanisque redandruantibus inserviente; cujus per medias cohortes ad ultimum spatij ejusdem angulum, qui sinistram palatij attingit deveniebamus.

Tres ibidem graduum ordines per elegantem pergulam ad consuetum audientiarum locum ascensu triplici deducunt: Medius Ablegatis Ottomannicis, Persicis, ac Tartaricis reliquisque à fide Christi alienis, utpote christiana calcare vestigia, & Mag-

Prima Conferentia in Kremel. 63

& Magni Ducis Palatium subire indignis
secernitur; Dexter Christianorum Principum,
Régumque Oratoribus ascensum
præbet: ad sinistram verò tertius singulari
honoris prærogativâ solis legatis Cæsareis,
& Czareæ Majestati per mediam Aulam
patet. Hunc conscendentes ad primam
januam excipiebat inter Magni Ducis Offi-
cialis quidam, salutis ac valetudinis præ-
missâ percontatione. Duâ exinde ad
denominatum conferentijs habendis con-
clave, per intervalla repetitò salutati, in cu-
jus ante camera plures ex senioribus (con-
siliarios putem) tum ob vestimentorum
elegantiam tum ætatis provectæ & quod
oramenti genus non minimum his in re-
gionibus est, promissæ barbæ caniciem
conspicui, per altiora subsellia venerandâ
circum coronâ confidebant. Parietes un-
dique mira peripetasmatum ac pictorum
raritate vestiti, mensa, cui atramentarium
cum alia litteraria suppellectile impositum,
attalicâ telâ ad terram usque defluente in-
strata; Scamna itidem tabulato adhæren-
tia textilibus magnificè erant obducta.

Præstolari hic primarius Czari Minister

64 *Caput XIII. Prima Conferent.*

& proximus Bojarus Artamon Sergeowitz Matpheou cum supremo Regni, alijsque duobus Cancellarijs Dominorum Ablegatorum præsentiam. Ad primum hos ingressum salute impertire, illisque indicare se cum præsentibus, post litteras sacræ Cæsareæ Majestatis vernaculo exemplo à Czarro lectas & perceptas, ad secretiora hujus commissionis puncta pertractanda nominatum.

Officialibus itaque nostris, qui ad ipsum conclave penetraverant comitati, alijsque Moscorum ministris conferentiarum loco exire jussis, remanserunt soli præter dictos quatuor, duos interpretes, & relatorem unum, & me Legationis Secretarium Domini Ablegati Cæsarei, suasque circa mensam sedes, Dominus de Bottoni Bojarum Artamonem à dextris inter, & Dominum Terlingo à Sinistris in capite mediā; à dextero vero latere tres Cancellarij in uno scamno occupabant, ad mensæ infimum è legatorum regione subsistebam ego, calamo quæ dicerentur excepturus, gemino interprete & relatore remotis à mensa ad latus stantibus.

Præ-

in Kremelino habita 14. Sept. 65

Præmiserat Dominus de Bottoni brevem quandam gratiarum actionem ob regale, quo excepti epulum, eandemque ipsi Czaro in exhibenda rursus audientia meditabatur, cum *Artamon*, nec necessarium illud, nec ob Czari modò obsentiam possibile ad ultimam valedictionis expeditionem opportunius remittendum, ut conferentiæ fieret exordium.

Curialia is primùm disputabat: æqualitatem nimirum Czarum inter & Romanorum Imperatorem in admittendis & dimittendis eorum Legatis unam eandemque (uti fratres) observandam. Hinc cum sua Cæsarea Majestas *Potemkinó*, qui ultimus Viennam legatus, in dimissoria audientia, litteras ad Magnum Ducem rescriptas, proprijs manibus non tradiderit, sed per secretarium ad ejusdem hospitium remiserit, futurum ut sua Czarea Majestas post hac Cæsareæ Majestatis Oratoribus non propria, sed Ministri manu sit remittendas porrectura: qua potissimum de causa indecens *Potemkini* litteras Cæsareas in hospitio Viennæ sub excubantium præ foribus militum fide relinquentis factum ex-

66 *Caput XIII. Prima Conferent.*

cusabat, cui unice id commissum easdem non nisi per Imperatoris manum datas acceptare. Adhuc Domini Ablegati Cæsareilaudabilem inter utramque Aulam consuetudinem, quæ legis instar foret, sanctam & illæsam conservandam: cum primum itaque in Aula Cæsarea insuetum; alterum verò in Moscovitica usitatum, circa alias legationes observatum, neutrius modò ordinem immutandum; ac propterea non habitâ audientiâ se discessuros prius quàm novitatis quidquam admissuros. Ad secretiora postmodum descendebatur, quæ ne publicam censuram merear, sileo: secreta incipit conferentia.

C A P U T XIV.

Egressus Magni Moscorum Ducis ad Monasterium Sanctissimæ Trinitatis 29. Septembris.

C Zarus ad spectandam solennem istam, & juxta morem institutam sibi annuam peregrinationem, ubi clara sua lumina omni populo contemplanda daturus erat, Dominos Ablegatos Cæsareos

Egreffus Magni Moscorum Ducis 67

sarcos aliquot dies ante per Commissarium invitaverat : quem in finem ut tantò perspicacius, quò tardius oculos præterirent, & animis hærerent, notiora, extructum fuit è regione pontis regij ad fori Aulici extremitatem præaltum pegma, undique panno viridi contextum : alia itidem duo minus elevata & ampla pro Residente Danico ex latere pontis, & Polonico in platea foro proxima stabant parata.

Dum itaque dies vigesimus nonus Septembris apud nos Archangelo Michaeli sacer, apud Russos decimus nonus illuxisset, sub horam octavam antemeridianam unus ex belliducibus *Jannoff*, unà cum Legione sua mille quingentorum veteranorum peditem, viam Domino suo paraturus, sequenti ordine præivit. Vehabatur à fronte in medio pyrobolarij & incendiarij tormentum bellicum, ille hastâ, in cujus extremitate aquila biceps ungue funem accensorium complexa instructus, hic ense succinctus & prælongâ securi armatus comitabantur. Generosissimus dein memorati Ducis Caballus lateralis, exuvijs tigrinis stratus, à duobus famulis ducebatur :
quem

quē ipse Collonellus Legionem praequitando solus ornatu vestium & unionibus gravis secutus est, equo insidens colore licet, at generositate minus dissimili, cujus frænum catenæ necēbant argenteam argenteæ, habenæ verò ex linteo auro contextæ: ephippium de rubro holoserico encaustico opere distinctum, quodque reliquas à tergo partes tegebat, non nisi auri ductilis stratum erat. Latera generosi Ducis stipabat panno rubro togata securiferorum phalanx, post quam & medium duos inter hastiarios signiferum buccinatores & tympanotribæ sui psalterij concentum dedere: sic in duodecim distincti cohortes, *Sirelizi* ense succincti, sinistris bombardas, dexteris vero humeris securim lunatam (cui collimantes fuscinulæ instar sclopætaræ bombardam imponunt) portantes; præcedente unamquamque curruli machina, ex urbe ad apertum campum tendebant: ubi jam paratus & instructus quatuordecim circiter millium virorum exercitus Czaro præstolabatur.

Quiescebant post hæc omnia ad horam usque primam postmeridianam, quo tempore

Moscorum Ducis ad Monaster. 69

pore Domini Ablegati præmissis ex aula curru cum *Pristaso* ad præparatum sibi locum, præeuntibus pedisequis, nobilioribus verò ex latere equitantibus sunt deducti. Ubi forum copioso plebis accursu adeò confertum, ut nec fenestræ, nec ædium templorumque tecta prægravi spectantis populi onere fuerint libera: inter quos etiam insidere tecto, non nudo quidem, sed tapete obducto, cum suo comitatu Ablegatus Persicus visus est.

Dúmque jam omnes præsentis avidè expectarent, triginta aliquot impedimentorum currus succedaneâ vice dederunt initium, nec non ipse *Juan Demidovitz* Camerarius, equestrem inter cohortem eques duos *Czarea* Majestatis Lectos, nobiliori panno rubeo involutos viâ regiâ præduxit.

Exordium verò tam magnificæ pompæ prætoriana Magni Ducis Legio auspicata, de qua ducenti quinquaginta desultorij membratim procedendo, sed sine tubarum clangore, tympanorumque sonitu sua in altum erigebant sclopetâ, hinc inde multo auro coruscantia. Quorum Dux *Georgius*.

Petro-

70 *Caput XIV. Egreſſus Magni*

Petrovitz Lutochin Dapiſer & Colonellus, tum veſtium ſplendore, tum perſonæ gravitate inſignis mandenti argentum equo, uti generoſitate nobili, ita ornatu divitiū imperabat: quam ob cauſam inceſſu inſolito & ipſius Ducis & militum ad aliquid inſueti pone ſecuturi ſpectantium animi accendebantur.

Nec vanâ ſpe deluſi, ſiquidem *Taras Radobskin* ſtabuli Magiſter plurima oculis admiranda objecit; qui ſexaginta duos omnī numero nobiles, vix explicabili auri argentique ornatu ſtratos, ſtratos tectōſque à latere caballos, inter quos diſtincto ordine duodecim de Czarea rheda rubro holoserico involutos unum poſt alium per duos quemque ſtratores ductum, tum currum Czarea Majeſtatis ſecundarium, auro & cryſtallo ſplendentem poſt ſe ambulantes habuit.

Novus dein, novī ordinis ductor *Peter Jacolevitz Wigellaſſki*, à cujuſ tergo ſcabbellum Czareum ad conſcendendos equos aptatum, rubro panno opertum ferebatur. Excipiebant iſtud octo primarij de ſella Czarea equites, non veſtitu modò auguſtior
ri

Moscorum Ducis ad Monaster. 71

ri quàm præcedentes amici, sed ad distinctionem insuper argenteo quodam & deaurato annulorum genere anteriores soleas calceati; quoscunque inter persicæ culcitæ pro equorum peculiari tegumento auro argentoque mirabili opere contextæ à duobus famulis singulæ portabantur.

Elatis manu sagittis equitabant sagittarij, ac duo Armigeri, *Nolnick*, enses *Czarea* Majestatis, & setenissimi filij gestabant: Horum vestigijs inhærebant juniorum Bojarorum duo, ac ipse currus qui Magnum Ducem serenissimum filium natu-majorem, ac campi generalem *Dolgeruki* vehabat, cujus latera stipabat prælongus hastiariorum & securiferorum ordo, viamque ex utrâque parte ducenti *Strelizi* deauratos manu & argentatos bacillos gerentes ad unum formatos exemplar parabant.

Currum ipsum Magnus *Bojarorum*, *Camerariorum*, & *Dapiferorum* numerus comitabatur auro argento & unionibus gravatus: tres demum rhedæ ac famulorum turma agmen claudebant.

Sed dum *Czarea* Majestatis currus ad extremitatem pontis nobis proximam venisset,

72 *Caput XIV. Egressus Magni*

nisset, aliquamdiu constitit; ex quo moto pileo *Czarus* Dominos Ablegatos Cæsareos benignissimè abs se salutari ostendit, & insuper misso ad eos Magno Regni Cancellario in eorundem prosperitatem comiter indagavit; idipsum & serenissimus Princeps filius exemplo parentis, Cancellario itidem remisso sciscitari præcepit.

Alia pompa serenissimæ reginæ fuit, per aliam aulæ portam pegmati nostro proximam egredientis, quam *Ivan Cribagedoff* Dux cum ducentis circiter desultorijs præibat: horum vestigia premebant duodecim de *Czarissæ* curru præalti niveique jugales toti holoserico filoso involuti.

Trahebatur post hos junioris Principis rhedula tota auro incrustata à quatuor pygmææ gentis Caballulis, totidem proceræ ejusdem nationis masculi stipabant latera, similisque statura simili equo insidens subsequēbatur. Alius dein quo vehebantur Principes filij currus præcedebat Reginam matrem, cui è vestigio successit ipsius Reginæ rheda, gratia singulari & benignitate ob Cæsareæ Legationis præsentiam aperta, à duodecim equis, ob magnitudinem enormem,

mem, inter parentem, & Artamonem Bojaros pedites, atque plurimos officiales ducta: totidem equi & sororum, & cognatarum trahebant currus, agmen alijs quadraginta duobus, qui Matronarum Aulicarum syrma traherent, & equestri ordine claudentibus.

C A P U T XV.

Secunda in domo Artamonis Conferentia die 20. Octobris.

MOsei accurato super proposita in priori conferentia Dominorum Ablegatorum Cæsareorum puncta examine habito; antequam Czarus à sua peregrinatione reverteretur, alterum in domo *Artamonis Sergievvitzi* conventum coegerunt, tum ut ea quæ pertractanda restarent ipsis palam fierent, tum quò mentis suæ declarationem, circa percepta aperirent. Videbantur enim discessus nostri urgere maturationem, vel ut *Magno Batavorum* venturo Legato, & confinia territorij Moscovitici jam ingresso, cum comitatu, qui octoginta plures numerabat, loco cederemus; vel ut majoribus in protrahenda tot

74 *Caput XV. Secunda in domo*

Ablegatorum simul confluentium præsentia, parcerent expensis.

Brandeburgicus etenim legatus Dominus *Schultetus*, qui eâdem in causa, quam commissio tractabat Cæsarea, partialiter saltem negotiaturus non ita pridem ante nos Moscuam tetigerat, eo ipso die quo nos in prima coram Czaro audientia comparituri, ultima expediendus fuisset; nisi frequens Dominorum Ablegatorum Cæsareorum apud Artamonem instantia remoram iniecisset: Hi enim necessariam consilliorum cum Electorali communicationem causando, obtinuerunt itineris dilationem, quam ipse sibi frustraneo labore conatus extorquere. Ne autem pari ratione Domini Ablegati Cæsarei discessui suo necessariam cum Magno Batavorum Legato conferentiam prætexendo motionem retardarent: callidè Mosci ejusdem, non aliorum, quàm mercaturam concernentium tractandorum commissionem evulgabant.

Missi jam ad horam diei secundam cum equis & Czareo curru, consueta satellitum turma, interpretes & *Pristafus*, qui ordinario procedendi modo ad *Artamonis Sergie-*

Artamonis Conferentia 2. Oct. 75

uivizij ædes ducebant, ipso venientibus Bojaro per gradus obviam descendente, benevolæque in proprijs susceptione honorante. Ad hujus dexteram Dominus de *Bottoni* gradus simul conscendere, & per tres contiguas aulas ad intimum domûs conclave penetrare, assumptis ijs, qui primæ adhibiti conferentiæ, reliquis ante fores commorantibus.

Ornabant illud non modò tabulatorum, & Imaginum Sanctarum Germanico adumbratæ penicillo picturæ; sed etiam varia horologiorum opera diversimode horariam periodum obambulantia curiosum reddebant obtutum. Quædam etenim indice (quod in Germania usitatum) à meridie horas signante diem metiri astronomicum: Alia ab occasu solis horas numerare Boemicas aut Italicas: alia ab ejusdem ortu aut æqualis semper horis babylonica, aut planetario cursu ijsdem pro mensium vice inæqualibus Jûdaica tempora imitari: Alia denique à media nocte Latinæ Ecclesiæ diem exordiri. In alijs Ruthenorum conclavibus vix ordinatum ita quidquam cernitur: Solus memoratus Bojarus, ut reliqua in

76 *Caput XV. Secunda in domo*

eo summa fideam; singularis Extraneorum fautor, & amator (patrem germani Moscuæ degentes dicunt) Ruthenum quasi genium exuit, cultiori præ cæteris imbutus. Solus hic filium suum, præter patriæ morem comam alere, & ab exteris Præfectis morum, linguarum & disciplinarum politiorum notitiam facit imbibere: Princeps & nominis famâ, & naturæ dotibus excellens: Dignus eo, quo (defuncto post nostrum discessum *Czaro*) involutus apud filium (ut fama) affulgente iterum fortuna, explicari Labyrintho. Hic ut à Czaro reduce audiremur promptius expediendi, in hac conferentia postulatis respondere, petitis satisfacere, stabilire rata, & quæ ponderosis rationum argumentis probata concludere.

Circa curialia acres iterum in sententias itum: *Arianon*: cum Romanorum Imperator *Czaro* non *Majestatis* sed *Serenitatis* titulum suis in litteris soleat impertiri eodemque Domini Ablegati in prima Audientia usi tantum fuissent; fore, ut *Czarus* in rescribendis ad Romanorum Imperatorem litteris, Eum ipsum titulo ricissim

Sereni-

Artamonis Conferentia 2. Oct. 77

Serenitatis tantum sit compellaturus : Fratres esse Romanorum , & Moscorum Imperatores , eodem se mutuò titulo compellare necessum esse. Cæsarei contra : Unde ergo *Czareos* inter Principes fratres titulorum diversitas ? Magnus Dux , *Czarus* Ducis frater non item compellatur : *Majestas* à Russis *Czaro* ; non *Czari* deferretur germano : domestico exemplo fundamentum ruere ; petitis aliunde non opus labefactari, fratres , quos natura junxerit, non eundem sibi titulum referre ; minùs ab ijs quos sola dignitatis , honoris & amicitiae causa fratres compellat, exigendum : *Czari* titulum Cæsareo cæteroquin attexendum, & Rusci-
cæ Monarchiæ Principatus Cæsari deferendos. Accendi hisce in iras *Artamon*, Cæsarique *Inviçtissimi* titulum negare , soli Deo tribuere. Nostri è proximo arundineto , sagittam promere : nec *Czaro Auto-Crateros* titulum , quod est , *ipse Conservator*, competere, solum Deum *Auto-Cratera* esse, unicum sui & omnium Conservatorem : suâ privatorum personâ *Czaro Majestatem* demississimè deferri ; publica autem *Ablegatorum*, quam gererent, nullum Au-

78 *Caput XV. Secunda in domo Conf.*

gustissimo, & Invictissimo suo Cæsari posse creare præjudicium. Placari momentis *Ariamon*, manu Legatos placidè præhendere, comitèrque subnectere, si hoc complatum; arduum nihil, plana omnia. Petierunt inde Regum aliorum exemplo Ablegatorum alteruter in *Czari* aula resideret; Oratores reponunt cum instructionis legitima desit facultas, mandati terminos non excedendos. Ego manum de tabula; calamum secretæ conferentiæ.

C A P U T XVI.

*Reditus ab annua peregrinatione
Magni Czari in Urbem Moscuam*

12. Octobris.

SI quid insoliti & admiratione dignum, Magnificus *Czarica* Majestatis exitus ad Monasterium Sanctissimæ Trinitatis, Moscuâ duodecim milliaribus disticum, in Spectatorum animis excitavit, non minus id devotione peractâ fecisse videtur ejusdem ab annua peregrinatione reditus, & non absimilis exitui in Urbem regressus. Ad hunc quanta cum solennitate, sit peragendus arbitrandum, Domini Ablegati in
paten-

patentem campum ante suburbia, ubi quatuor panno viridi contexta pegmata, datâ pridie quodcunque ex his seligendi potestate, pro commodiori aliorum Residentium statione parata, præmisso *Czaro* Majestatis curru proprio, ac ex Regio stabulo pronobilioribus Aulæ datis equis à duobus Regni Cancellarijs, ut qui claros Magni Ducis exeuntis oculos contemplati, clariores revertentis intuerentur, duodecimo Octobris, circiter horam decimam ante-meridianam sunt deducti.

Stabat ibidem suis instructus lanceis bombardis ac securibus duodecim millium *Sirelixorum* exercitus unius fermè leucæ spatio per totum campum, & utramque viæ alam benè disposito ordine explicatus, inque suas legiones versicolori vestium habitu distinctus: & confestim viso Dominorum Ablegatorum Cæsareorum adventu, dato ad id per tympanistas signo ad arma confugiunt milites, vexilla pandunt signiferi, & colonelli debitam à fronte occupant stationem sua offerentes officia, eundem per hoc omnes honorem Romanorum Imperatori quem Legatis exhibituri.

80 *Caput XVI. Reditus ab annua*

Nos omnibus paratis ac in procinctu stantibus, inter personantium tympanorum strepitum, per medium totius exercitus lentam vecti rotam, ut tanto clarius singula perspicere, notare, & admirari potuerimus. Tandem ad *Maria-Sylvam* constitimus, quo in loco *Czarea* Majestatis tentoria tria de panno coccineo pretiosissimi valoris, vario figurarum genere extrinsecus insuta, intus verò tum holoserica, tum argentea & aurea tela vestita, panniceis muris invicem sejuncta, iisdemque ad normam fortalitij quadrangularis circumvallata, propugnaculis & cortinis, alis, & loricis quin & turribus ad quemcunque angulum munita, pro aliqua *Czarea* Majestatis respiratione ante ingressum erant firmata.

Hæc ut interius quoque contemplaremur, Domini Ablegati Cæsarei ex singulari benevolentia, & affectu una cum suis sunt intromissi, illisque perspectis priorem viam per integrum exercitum, centum quadraginta cohortibus constantem, uti ex totidem signis, totidemque tormentis bellicis, colubrinis, & bombardis campestribus conijcere, licuit relegerunt, ac assignatum electio-

peregrinatione Magni Czari. 81

electione propriâ , stationis locum conscenderunt.

Modico temporis intervallo elapso, suum ingressus ab eodem sortitus est initium, à quo suum exitus nanciscebatur exordium, erat is *Jvan Demidovvitz* Camerarius, quem longa Desultorum, Pedissequorum equorumq; Leopardinis, & tigrinis exuvijs stratorum, eo quo egressa ordine phalanx sequebatur. Mirum dictu quâ generositate tympanorum strepitu , buccinarumq; & tibiaram clangore excitati salitârint sonipedes, imparibus coërcendo illorû impetui stabularijs : imò factum ut suâ ferocitate equus prævalens frænantium vim fregerit , ac illorum manibus liber, citato cursu alium equitem obvium , cum equo in terram prostratum soleis ferreis læsum semianimem reliquerit, in conspectu nostro , Moscis nihil minus curantibus moriturum.

Tandem corona nobiliorum Aulicorum circumdatus apparuit currus quo *Czarus* vehebatur, & ad lævam ejus serenissimus filius natu-major, sedente ex adverso illorum *Kneſio Adovvitzkio Rojaro* : sequebantur multi satellites hastiarij , *Kneſij* , *Boja-*

82 *Cuput XVI. Reditus ab annua*

ri, Dapiferi alijque nobiliores quàm pluri-
mi, in generosis ac phaleratis equis, stipan-
tibus utrũque latus ordinatâ serie ducen-
tis Strelizis cum securibus suisque sclopetis,
nec non eorum alijs cum obductis argento
bacillis ad viam Domino suo instruendam.

Facta vicinior *Czarea* Majestas stationi
Dominorum Ablegatorum jussit sisti cur-
rum & per missum quendam Cancellariũ de
eorum incolumitate interrogavit. Ille quod
ridiculum, & nullibi præterquam inter Mo-
scos receptum est, non expectato responso
quod à Dominis Ablegatis pro debita co-
mitate parabatur, ad *Czarum* redijt, retu-
litque quæ dixerat: sicque processit in Ur-
bem pompa.

Post mediam horam apparuit eodem or-
dine, quo exiverat *Czarea* Majestas con-
jux, curru ad pompam deaurato & pur-
purei coloris holoserico raso magnificè con-
recto, vecta: apparuit illa regiè vestita mul-
tisque margaritis, & auro, ut solet, or-
nata, in aperto curru omnibus præter mo-
rem spectabilis, stipante patre *Cyrillo Bojaro*
& *Artamone Sergievvitzi*o proximo *Bojaro*
in equis, multaque nobiliorum equitum
peditũque turma. San-

peregrinatione Magni Czari. 83

Sanctus est cæteroquin adeo *Czarissa* aspectus, ut Rutheni ipsi, quo currum subintrantis, eóve exeuntis obtutus minús profanent, aut prono in terram vultu procumbere, aut verso minimùm corpore, aliò oculos conjectare jubeantur.

Artamon primarius minister qui ad dexteram currús equitabat, fidus *Czarææ* conjugis custos, à *Czaro* pro ea, qua eum comprimis diligit fiducia hujus officio specialiter præpositus, jussu accepto, illicò ut ad Dominorum Ablegatorum stationem ventum, ijsdem citato equo adest, & mandato Dominæ suæ de salute Conjugis, filiæque primarij legati, eâ quâ solet gratiâ & dexteritate sciscitatus; accepto ab illis responso, & humili gratiarum actione erga *Czaræam* Conjugem, voluit & ipse comitate suâ ex proprio nomine salutare, à quibus vicissim comiter resalutatus discessit, & ad Dominam suam reversus est.

Tres alij majores currus, & quadraginta duo minores, panno rubro obducti, omnes aulici gynecæi Matronis repleti insequiebantur. Præterierant hi, & totus exercitus ille in suas alas distributus, personan-

84 *Caput XVI. Reditus Czari*

sonantibus tympanis, tibijsque canentibus per varias portas ipsam Urbem introivit. Ut perventum est ad Czareum palatium, Magnus Dux à Civibus, militibusque, qui per deputatos ex suis gremijs illum venerati, exceptus est: felicem gratulantes illi Principi suo reditum eidem, panem salèmque, qui cibus mysterij penes Moscos plurimum involvit, pro more obtulerunt. Inventum sane nobile, quo Principis affectus in suos, horumque in eum observantia conservetur.

C A P U T XVII.

Congressus variorum Residentium cum DD. Ablegatis Cæsareis.

EO ipso nobiscum tempore, variorum Regum, Daniæ, Poloniæ, Persiæ, cum Legato Brandenburgico, negotijs Principalium occupati Moscuæ morabantur Residentes: qui frequentibus suis visitationibus, Dominos Ablegatos Cæsareos ad mutua revisendi officia provocabant, tum ut Romanorum Imperatori observantiam Regum suorum nomine ostenderent, tum etiam in extremis Scythiæ finibus

Congressus variorum Residentium 85

nibus, familiaritatem quandam inter se, & solatium conciliarent.

Hos inter Persa primus fuit, qui liberali merendâ in vicino domui nostræ hospitio, ligneis solùm in transversum actis trabibus, Architectura hæc est patria, extructo, Dominos Ablegatos cum suis exciperet, ad atrium usque obvius suo stipatus comitatu: Duplex adhibebatur Interpres, unus qui Persicum rutheno, alter qui ruthenum germanico idiomati redderet, ut utrique parti miscendi colloquij sensa vernaculè panderentur. Ut ad hypocaustum, cujus solùm pictis undique acu persicâ tapetijs contactum, ascensâ scalâ perventum; sedes, sine sedibus jubebamur cum epulo captare: Humi confidebamus humiles in reſectorio pedibus decussatis religiosam agentes pœnitentiam; in singulis scutellis apponebatur à mensæ Ministris cuique sua separatim portio, quæ saccharum erat, & vinum hispanicum. Vota renovavimus Cæsareæ, Regiæque prosperitatis; cùm lepidum visu spectaculum: Propinabat dictus Residens Cæsareæ Majestatis, & alias sanitates, at Machomete vina prohibente, anhelantibus pulmo-

86 *Caput XVII. Congressus varior.*

pulmonum tollibus attractum , plenisque buccis in auras explosum tabaci fumum , quem incendiarii duo ad fenestram stantes (tubus enim hypocaustum transiens eoque pertingebat) acceptâ tesserâ admotis ignibus excitabant : Nos almo terræ , quàm fumolo aëris elemento Cæsari hoc in negotio fideiores , vino hispanico palato & linguâ germanicis respondebamus. Epulis his & insueto potissimum sedendi modo satiati , de terra surgentes relatis gratijs discessum moliebamur , quos Residens ipse cum suis ad atrium valedicens deducebat.

Residens verò Danus *Magnus Goe* qui singularem inter omnes Moscuæ in convivijs adornandis prærogativam obtinet , epulo ut opiparo , ita remotioribus istis Orbis partibus raro , unicos primùm Dominos Ablegatos Cæsareos , altero vero die primarios Officiales adhibebat , frequens domi nostræ conviva. Remittendum hunc in Daniam contendebant Mosci (causam volo nescire) ac priusquam à suo Rege admissas super hac re litteras responsum posset recipere , dicto eum die Urbe volebant facessere ; authoritatem tamen & instantiam suam

suam Dominis Ablegatis Cæsareis interponentibus, condescensum.

Nec Polonus qui primò Legatus; Moscæ nunc Residens, humanitate, cæterisque præclari animi donis insignitus deerat quin per conventus sæpe repetitos, civilitatem suam & amicitiam insinüaret, pari semper visitatione per Dominos Ablegatos Cæsareos honoratus.

Verùm cùm inter fratres quandoque Angelos, compositâ perfidorum fraude, seminentur zizania, fuerunt qui mendacij spiritu suggestore, astu falsitatis excogitato, vinculum istud subdolè conarentur interrumpere: susurrabant enim, Commissio-
nem Cæsaream, suppetias Polonorum Regi in Podoliæ confinibus adversus universalem Christianorum hostem ferendas in habita conferentia subvertere machinâtam, quæ meritò quietum Ministri fidelis animum varijs cogitationum procellis obijcebant jactitandum: Horum veritas ut tanto pateret clarius, quod officij, fidus exequebatur: Dominos Ablegatos Cæsareos convenire, audita recensere, & facti causam inquirere; animadversis illi delatorum insidijs,

88 *Caput XVII. Congressus varior.*

insidijs, ut sceleratos eorum ausus retunderent irritos, Latino transcribunt idioma, Germanicam propositionem, quam in subsidium afflictæ Poloniæ primo conventu attulerant, contrariumque remonstrando, motos animi fluctus componebant.

Placatus elisâ ille mendaci oggannientium conjectura, gratia de communicata copia referre, confidentiam redintegrare, ac ceptam semel coroborare familiaritatem: imo per rescriptas in Lithuaniam epistolas efficere, ut in primo ejus Oppido *Selowa selowv* ad Borysthenem, munificâ, mulsi, cerevisiæ, carnis & avenæ oblatione fuerimus honorati: nec non discedentibus in omnem eventum salvi conductûs litteras sigilli manûsque fide munitas conferre.

Denique ita charos ubique Cæsareæ Majestatis Legatos, Moscux cæteri exterorum Principum Ministri venerabantur, ut de præmaturo eorundem discessu ulterio-
rem correspondentiam in decurtante, conquerentur, Romanæ præsertim religioni addicti, quibus cum publicum fidei exer-
citium

citium in germana *Selavvoda* (civitas est quam soli teutones *Warsta* spatio Moscuâ separatam inhabitant) exercere denegatum, nec alium tum temporis Sacerdotem Catholicum præsto haberent, rei divinæ, domi nostræ feriatis, & dominicis diebus interesse, magno cum solatio confluentes ostendebat frequenti Sacramentorum usu adhibito. Erant qui pluribus devolutis annis gravatas multiplici peccatorum onere conscientias, hac data occasione Sacramentali pœnitentia exonerarent: alij quæis tempore concubitus nuptias; non legitimus consensus fecerat, rato vinculo copularentur: alij alia pia opera peragerent quæ tractare cum mei fori non sit ad facellatum remitto.

C A P U T XVIII.

Ultima abs Czaro audientia exhibita in Kremelino die 23.

Octobris.

C Zarus à peregrinatione redux Ablegatum Brandenburgicum Dominum Schultetum expeditum à se dimiserat, octo post diebus nos absoluturus: pri-

G

vata

90 *Caput XVIII. Ultima abs Czaro*

vatã intereã instituuntur conferentiæ , se-
liguntur probata , transcribuntur conclusa ,
manuum subscriptione , & sigillorum ap-
pressionē roborantur , ac bina exemplaria
utriusque partis archivio reservanda tra-
duntur. Nec jam quod perageretur superer-
rat ; ad ultimam itaque valedicturi audien-
tiam recensitâ solennitate in *Kremelinam* de-
ducebamur, in gradibus, quibus aliàs officijs
excepti ; nec prius admissi quàm privatum
Domini Ablegati Cæsarei cum Artamone,
regniq̃ue Cancellario colloquium in con-
suetō conferentiarum loco , quem ab eo
qui audientiæ deservit non nisi ambula-
crum intermedium sejungit , pergula au-
tem superiori ex parte connectit finijssent.

Assuetus Audientiarum jam patebat lo-
cus : parietes attalicæ telæ velabant aulæa ,
tabulatum superius nocturnas cœli faculas ,
sivè quas variatis periodis errare vagabun-
das *planetarum* nomine observamus, sive
quas in *cælestes imagines* antiquitatis Magi-
sterio distinctas , *fixas* compellamus, astro-
nomica eleganter symmetria exhibebat :
suam astro cuilibet artificiosam *Latitudi-
nem* , declinans ab *Ecliptica* recessus ; lon-
gitu-

audientia exhibita in Kremel. 91

gitudinem item in *duodecim animantium* via Magister circinus, sic examinaverat, ut aureis *tropicis* planetarum itinera sisteret, aureisque *Coluris* æquinoctiorum, solstitiorumque Veri, & Autumno Brumæ & Æstati determinaret.

Czari thronus aureus radiantibus gemmis interpolatus, parvis in altum columnis surgebat elevatus: columnarum aliquas, corinthiæ, quasdam Jonicæ, alias thuscæ, & Doricæ, compositæ plurimas archi tecturæ proportio elaborârat. Collocata hoc Majestas Czarea voluit clara sua lumina discessuris arfulgere. Ante Czari faciem constitutos post gratias à Domino de Botroni oratione prævia relatas, *Artamon Sergievvitx* alloquitur: Czareæ Majestati post singula pertractata deliberatum esse nos traditis Cæsaream Majestatem litteris expedire.

Duo ergo Domini Ablegati consueta ceremonia ad thronum accedere, litterasque ex ipsius Czari manibus acceptare: Demum Czari jussu donec officiales & pedissequi Ducis dexteram deoscularentur, allato in scamno considere.

92 *Caput XVIII. Ultima audientia*

Reversi ordine per legentem vestigia *Pristafum*, dapibus, eo quo prius apparatu subministratis (jubente Ecclesiâ pisces erant & nuperis calidiores) nos mactatis præmio *Pristafis* & *Bajulis* inter pocula valediximus.

C A P U T XIX.

*Miscellanea de Ruthenorum
Moribus & Vita.*

NOna Moscuam hebdomade tenuimus, hospitio, quod nihil deficeret, excepti basilico; uti ea quam Czari munificentia largiebatur pecuniarum vis luculenter, comprobatur qualibet is septimana centum quadraginta *Rubelas* (aureos) annonæ comparandæ numeratò subministrabat, & omni honore cumulos, assiduus viginti quatuor *Strélizorum* excubijs protegebat. Exitu gaudebamus, assumptis arbitrio nostro, relictisvè custodijs, liberrimo, cujus adminiculo & urbem lustrare curiosius, & in populi mores ac studia licebat sagacius indagare: quorum analec̃ta, quæ reliquam effugere historiam, hic compendiosè placet perstringere.

Guber-

Gubernacula vastissimi regni, quod *aream* 108000, vel aliorum calculo 114300 milliarium germ: *quadratorum* continebat, Monarcha unus despotico moderatur imperio Czarum, hoc est Imperatorem illi; nos Magnum Ducem compellamus, qui vindicatis sibi Majestatis juribus nullius adstringitur consensu supremus omnium Legislator; usque adeo ut *Kneesij* Principes, *Bojari* Consiliarii, *Waywoda* Belliduces, & quacunque dignitate conspicui Czari se mancipia profiteantur, & gerant. Solus hic tributorum, teloniorum, ferri-fodinarum, pellium, mercimoniorumque imensos redditus collectare, suorum operâ negotiari, mulsu coquere, vina cremare, cerevisiam braxare, macellum aperire, esculenta & poculenta promere, verbo unus exercitor institorum suorum, propolarumque rationes, & lucra capeffere. Non exiguas tamen ærarij vires expensæ gravissimæ hauriunt, quas exercituum stipendijs, Aulæ splendori, mensæ lautitijs, legationibus mutuis, alijsque non imparibus Majestati pompis erogat sumptuosissimas.

Ædificiorum forma humilis, & inelegan

gans, transversis abietum, pinuumvè trabibus componitur: tectum scandula lignea, betularum item cortex, & cespes cooperit, dispositissima incendiorum materia. Sexies eo quo Moscuæ demorati tempore grassata flamma, millium semper, etiam purium ædificiorum stragem edidit; Strelizi tamen in plures excubias distributi frequenti huic malo invigilant, & dirutis ad plateam usq; ædificijs igni limites statuunt, vel si servandis ædibus pretium dederis, expansis taurorum exuvijs, quas continuo imbre perfundunt, coriaceum murum voraciopponent elemento.

Nec magna jactura si domus conflagret, aut mœror; res enim domestica effossis sub humo cellis tutò reconditur, & emptæ sequenti die in foro domus, cujusmodi millenas & millenas aptatis jam & compositis lignis venum exponi cum annoso campanili vidimus, commissis trabibus priori loco reponitur arte & sumptibus penè nullis, ferinæ potius immunditiæ futurum stabulum, quàm humani consortij diverforium. Magnatum tamen palatia, & mercatorum ædificia lapide consurgunt magnifica & robusta,

busta, quorum officinas & conclavia firmis concamerata laquearibus ferreæ valvæ, quæ occlusas fenestellas obarment igni reddunt inaccessa.

Czarus ob singulares virtutes & condigna tanto principe naturæ dona, quæ & publicè & privatim omnium animos sibi devincit, unus in amoribus pariter, & honoribus; unicè ob clementissimam nobis præstita gratiæ signa perenni apud germanos calamo dilaudandus. Kneſij & Bojari, ijque qui aulæ deserviunt Primates, animosi plurimum, culti & prudentis sunt ingenij, & quod exteris ostendant, nosque experti satis benigni, cum principe suo religionis & justitiæ, quantum apparet, perquam studiosi.

Vulgares autem quod alijs etiam regionibus commune, facilè in deteriora prolabi, atque in Scythicam barbariem efferari callidi cæteroquin Moscorum animi in mercimonijs præsertim ac negotijs versuti, exterorum contemptores, sui æstimatores superbi: Nulla si paucos excipias discretio, nulla inurbanis civilitas nec alia morum regula, nisi quam genij dicteret indulgentia:

usque adeo mulso, & cremato viri sœminæque se ingurgitant, ut alij sine tibialibus, & calceis, alij relictâ tunicâ, absque thorace alij, multi pergræcatis omnibus nudi cauponis *Kaback* exeant, dato quo canes abigant baculo, & betulæ folijs ut secretiora tegant, melius fascēs illi, qui folia protulerant, tergoribus traderentur castigandis: quotidianum hoc erat nobis spectaculum, tres quatuorvè domum ebriatos & nudos carpento devehī. Vidimus etiam nudos viros consumptis omnibus ebrietati succumbere, cūn ecce mulieres supervenientes viris insidere, unam sibi vestimenti partem post aliam dilapidandam abstrahere, & tamdiu potitare, donec vestimenta, bibendi facultas, & rationis usus simul ebrias deficeret, exque viris confusæ in somnum, ronchos, ructus, & quæ ebriorum sunt analecta, solverentur: optimum sane conjugium, ubi virum inter & uxorem tam bellè convenit.

Nulla ciborum sumendorum urbanitas, incultissimè etenim iisdem se farciunt, & digerentis naturæ inurbanos nunties, quâ data porta, nullâ pudoris ratione emittunt;

nec ullum epulum, quin eandem harmoniam, superiori & inferiori registro, organum sonet pneumaticum.

Suæ tamen & benevolæ hospitalitatis exhibent indicia, in iras ubi repulsam tulerint, mox exarsuri; quæ inter non minima eorum civilitas est, hospitibus de sanitate rogatis crematum per mulieres, in phiala offerri, cui haustu & osculo, quin antidoro sæpius respondendum.

Habitus virorum similis Græcorum est: indusijs brevioribus super caligas ad nates tantum pertingentibus superimponunt thoracem, quem *Kassian* appellant, ad genua pendulum, huic longiorem inducunt togam, *feres* dicunt, ad terram usque defluentem. Nobiliores tamen nobilissima è tela, auro, gemmisque eundem habent cultissimum. Raso omnes capite prætor Popas & Monachos, eosque qui Czari disgratiæ hoc luctûs signo illacrymantur: Vitam omnes capiti inducunt pelliceam nigræ potissimum vulpis pelle, quæ centenis licet *rubelis*, suffultas. Liberalioris autem barbitij copiam tanti æstimant, ut auctoritatis honorisque vim hirsuto excremento commetiantur.

Fœminæ ut non abjectæ sunt formæ , sic falacis genij & fucatæ omnes faciei, nec ulli ad Czarissam aditus patet ; nisi cerussâ minloque (alijs utuntur aliæ) vultum illinant , doceantque non semper pulchras esse , quæ semper pulchræ videntur. Conjugatæ comam sub vitta collectam , Virgines autem super humeros fluentem, nodoque inferius serico stringunt colligatam. Cæterum earum habitus virili non multum dispar ; nisi quod indusia habeant longiora quorum manicæ decem ulnas nostrates excedant : dignioris autem fortunæ dominæ mundo muliebri pretiosissimo deficientes in mulieribus naturæ perfectiones laborant palliare.

Earum labores , post meridianos somnos , qui omnibus Russis communes in compitis circumactâ se rotâ, cujus quatuor orthogonis radijs , dimenso æquilibratorum spatio, singulæ insideant, agitare, aut in vaporarijs balneis lotas, nudo corpore ante balnei fores consistere vel in horto deambulare : nos balneis in quas curiositas induxerat egressi hortum subivimus, atque ultra trecentas tales Dianæ, sexûs characteri-

risti-

risticam sine ulla verecundia præferentes conspeximus, paucissimæ earum, quas Virgines dicebant, ea quæ videri nollent, betularum folijs obumbrabant potius quam tegebant, quem ignotum his regionibus credebamus, nativi pudoris instinctum observantes.

Ex immoderato quo Russi ardent bibendi studio provenit, ut in rixas, furta, homicidia aliaque scelera facilè prolabantur: nihil in eorum ore frequentius, quam *Sukkinsin* quod spurium, *Bledinsin* quod adulterinum significat: item *je lionamat* corrumptam matrem tuam, *je blufemas* corrupti matrem tuam & similis materiæ elogia, quæ sine ullo discrimine tam in homines; quam bruta consueverunt evomere. Hinc ne laxetur in omne scelus habena, vindex in fontes justitiæ rigorosè solet animadvertere; securi percutiuntur complures, laqueo gula infringitur multis, exilio & carcere plurimi coercentur.

Et deterrima sanè ac durissima captivorum est conditio, quos aut in perpetua dampnari vincula, aut in fatalem quæstionem delicta

delicta faciunt custodiri ; duabus bini cate-
 nis in transversum sic colligantur , ut pes
 alterius dexter manui sinistrae sodalis , hu-
 jus pes sinister alterius iterum dexteræ con-
 nectatur , adjunctâ , quam post se trahant
 ponderosâ plumbi appendice : non lectus ,
 non lares alij ; nisi quæ digitorum & un-
 gvium ministerio effodiunt cubilia , quæ
 magno spatio circumcluduntur , vallis lig-
 neis per circuitum coronata. Cibus non
 alius nisi qui per miserationum manus paten-
 tibus intervallis inseritur , aut qui egressis
 mendicatò objectatur , canes putares aut
 bestias , tam avidè objecta crudæ carnis
 frustra heluantur , deglutientes potius , quàm
 masticantes unâ fame & coquente & con-
 diente. Horreres si eorum ululatus audi-
 res , & infernalem pavidus judicares con-
 centum , qui aurem tunc inconditè magis
 verberat , cùm Czarum urbe egredi intel-
 ligunt , ut clamore hoc gratiam , aut sti-
 pem minimùm extorqueant.

Ij quos perduellio reos egit , corporum
 in partes dissectione , Latrones suspendio ,
 alijs alij cruciatibus pro delicti qualitate
 trucidantur , debitorès quorum nomina
 gravi

gravi ære alieno obruta, post fustigationem non solventes, aut solvendo impares, mancipia creditoribus addicuntur: qui verò tabaci fumos, pulverésque attrahunt, naribus dissectis, crimen luunt patrijs legibus interdictum.

Triplex aliud tormenti genus, sive per interlocutoriam universim quæstionis vice, sive per definitivam singulatim pœnæ loco decernitur: *Knutta*, ignis, & luxatio, quæ ubi quis omnia ter subierit, elisâ accusatione evadit impunis. Vidimus omni eorum genere in reos sæviri, spectaculo cruento: præludebat fustigatio *Battoki*, ubi duo baculorum fascies in proni dorso tam diu desæviebant, donec omnes diffracti in frustra dissilirent. *Knutta* autem hæc est: iictor nudatum lumborum tenus reum, dorso excipit manibus circa collum complicatis pedibusque colligatis; tum carnifex scuticâ ictus iterat, ut ad singulos sanguis liberaliter defluat, & totum tergus cute nudetur foedè cruentatum. Post hoc ignis: quo lentè admotò laneata flagellatione corpora torrentur: manibus dein post terga revinctis cruciariâ attrahuntur in altum trochlea, trabe

trabe ponderosâ pedibus alligatâ, omnibûsque distorti vertebris sic luxatis, ignis additur fumûsque: in tuncsum denique verticem decidua ex alto aquarum copia guttatim destillatur, supplicij genere nimium truculento.

Imo quod ridiculum non in homines modo reos, sed in bestias etiam & inanimata sententia dicitur: Hircus in Bojari domo familiares inter ludos educatus, Bojari filium è gradibus deturbârat, hic post fustigationem *Battoki* in Siberiam exul relegatur, sententiâ tamen quod charus familiæ hircus fuerat, unius *Kopecki* in quotidianam annonam assignatione mitigatâ. Graviorem Czarissæ disgratiam æs campanum propter turbatos quiescentis Ducissæ somnos incurrerat, dejecta turri, per Carnificem flagellata *Knuttâ*, & ipsa in Siberiam relegata squalore ibi consumenda, nisi alterius, quæ defunctâ priori Czari thalamum premebat, conjugis precibus, eâ lege gratiam obtinuisset, ut æneis mutilata auribus, ferreas gestaret, & humiliori deinceps campanili diverteret, æterno insuper silentio imperato. Sanguinis etiam reum cul-

trum

trum egerat Czarissa, quem & ipsum Siberia exulem recepisset, nisi affabrè elaboratum ex argento manubrium gratiam impetrasset, & Siberiam Gazophylacio obtinisset commutari, ubi ademptâ ulterius secandi facultate captivus detinetur.

Incredibile dictu videtur quanta cibarium ad delitias etiam lautissimas affluentia: in sylvestri & uliginosa plurimum regione fecundissima soli ad fruges parturiendas benignitas, quæ exeunte modo Majo jacti seminis lucrum copiosa & matura secundi mensis spatio messe reddat uberrimum. Fertilitati deservit plurimum, autumnalis nivis copia, quæ sæviante brumâ tellurem occupans ejusdem penetralia contra hyberni frigoris asperitatem protegit, & igneos concludens in terræ visceribus vapores, per antiperistasin calefacit: accedit diuturna Solis & assidua super *horizontem* mora; licet enim depressior ille, obliquioribus radijs, ideóque minus in se reflexis, & efficacibus agros aspiciat, quia tamen occumbens vix horizonti occidit (quod vel primis sphaeræ elementis leviter tincto notissimum est) facilè altitudinis defectum artificialis,

ficialis, ut vocant, diei magnitudine valet compensare.

Nec Pomona Cerere tenacior, quæ delicata mensis vacciniorum, cerasorum, brunorum, & pomorum apponit belitaria, cucumerum item peponum, melonumque copiam suppeditat, ut numero sic mole ponderèque admirandam. Melones ceterè prandijs archi triclinus apposuit quos bilancis arbitrio vicens superare libras conspeximus, haud gravatè ijs, qui triginta & quadraginta librarum melones progigni asseriebant, fidem habituri. Vaferrima etenim solertia naturam ars in ijs procreandis sollicitat: ut primum terræ semen creditum, qui curam gerant hortulanos eâ methodo assignat: duas cuique tunicas, duo etiam melonibus tegendis stragula addit; hortu ani jubentur nudi melonibus adesse, suo experturi corpore quod melones frigus ufferit, atque si frigoris algorem senserint, tunica se tunica stragulo melones uno operire, frigore ingravescente alteram sibi togam, stragulum melonibus alterum induere, parique studio corporibus & melonibus aëris inclementiam arcere: remittente
autem

autem hyberna sic intemperie, ut togam deponant extimam hortulani, & stragulum melonibus subducunt extimum; si & interiorem exuunt benigno Sole nudati tunicam, & nudos radijs solaribus melones exponunt, cum corpore, ubi monuerit necessitas, reveſtiendos.

Non ſua quoque queis de paſcuorum pinguetudine in paſtorales muſas cicutæ animentur deſunt palilia: gregibus armenſisque tanta campi vallésq; conſuluerunt prodigalitate, ut contempta pabula mandentis potius invitare orexim quam dentem videantur metuere.

Nec ferinæ deſiderantur & volatitia, benigno quippe non ſecus ac victualia, ſi vinum demas, omnia pretio comparantur. Leporem, Moſci, quod cæcus naſcitur, hoc abſtinent, duobus tribusve *Kopecis*, (quinquaginta imperialem conſtant) Lagopodum par tribus, Uro-gallus octonis aut decenis venundatur: alaudas, turdelas, turdoſvè dentibus ſuis per exquiſitiores alitum cupedias illectis repellunt indignos. Certare aëri terræque aquam diceres, quæ neceſſitati & Lautitijs piſces alit lectiſſimos: mullos,
H anguil-

anguillas, lucios, salmones, sturiones, hufones & ignota nobis piscium genera, & quæ delicatissimi saporis sunt horum ova, fluviorum mariûmque profundit opulentia.

Atque ceu opiparorum ferculorum appetens Rufforum stomachus sic jecur æstuans deliciores palato cyathos indulgentissimis haustibus anhelat: cui opulentiores magno emptæ pretio Hispanici, Francici, Rhenanive vini pocula affundunt. Potissimum tamen negatam vinearum fecunditatem, patrijs laborant artibus controlari: Hinc *quastum*, cerevisiam, mulsûm crematûmque pro statûs rei que domesticæ conditione coquere, & arte simiâ vinum æmulari. *Quastum* tenuior fortuna infundit, postquam frumentorum fursuri affusam aquam injectis candentibus lateribus, saxisque in miserandâ saporis nectar fecit ebullire. Mulsûm de mellis, quæ hic locorum suppetit, copia dulcoratur; Nobilioris autem notæ, ex vaccinijs rubris nigrisve, aut etiam de rubo idæa medicatur. Praxis hæc est, & germanicæ etiam œconomiæ tentanda: fructus memoratos aquæ injiciunt

inijciunt nonnihil contusos, donec unius alteriusve diei spatio virtutem eorum illa attraxerit; aquam inde rejectis fructibus incerniculo colant, delibutæ sic mensuris singulis quartam, tertiam, aut pro desideratæ nobilitatis gradu mediam mellis addunt, tostamque exinde panis crustam fermento illitam dolio injicientes faciunt defæcari: quod si ultra quinos aut senos dies cum sæce prælietur frigidiori loco reponunt, & tranquillato sic præstanti mulso in lautissimis tantum convivijis sese ingurgitant; si saccharum aliave aromata miscueris, nobiliorem salubrioremque potum temperabis.

Mercimoniorum denique negotiosa vicissitudo, ea quæ patriæ natura negavit, humanâ communicatione nobilissimo ad mare Album emporio *Archangelo*, inde cæteris provinciis importat: Frumenta hinc, variorum animalium pelles, corium, mella ceramque reportando. *H* ¹⁰⁷ ~~Indis~~ ^{Indis}, *Danis*, *Suecis*, *Germanis*, *Anseaticis*, *Tartaris*, & *Perlis*, *Polonis*que per *Moscoviæ* regnum negotia exercentibus, de vino, panis, serico, gemmis argento & auro abun-

dè ita providetur, ut toto Imperio nulla nisi argentea, aurea vè moneta, non ut nostra rotundæ sed ellipticæ, seu ovalis figuræ signetur, & proba æstimetur.

C A P U T XX.

De Religione Ruthenorum & ritibus.

Firmamentum regnorum Religio: non enim constanter satis lege stringuntur populi, nisi religionis nexibus animi religenter, & legum oculis facillè illuditur, ubi diviniore metu delinquendi opportunitas non arctatur; nec imperium diu servabit regio, cui sceptrum non firmat religio: nulla gens tam barbara, nec tyrannus tam immanis, quin Deos colat; si non quos metuat, saltem quæis metuatur. Et hoc ne mutilatam relationem texerem pauca de Moscorum ritibus strictim jussit mantisse loco apponere. Theonino hanc dente Mercator non minus quàm cæteras Europæ incolas rodit, fide illâ veritatis quam merentur de nationum genijs universalia enun-

enuntiantes: Miles Australis, Suevica Monialis, pons Polonicus, Monachus Bohemicus, Hispanorum celeritas suecorum fidelitas, Ruthenorum religio, Italorum devotio, Gallorum constantia, Germanorum jejunia, nihil valent hæc omnia. Ista ut in Atlante suo asserit, sic ipsius humeris sustineat; Illi ego consentio qui non nisi duas in orbe nationes adstruit; bonam scilicet & malam,

- Patriarcha quem Archi-popam compellant, rem Christianam, quæ ritus & schismatis græci est, toto Czari principatu moderatur, Cleri electus calculo, magni Ducis autoritate confirmatus. Metropolitæ huic Episcopi, istis reliquis Episcopis Clerus Monachique subsunt, valideque Sacramenta administrant: cum sine juris dictionis potestate, si potestas ordinis adsit actus solum illicitus non verò invalidus efficiatur.

Damnato pridem errore laborant græco, Sancti Spiritus processionem à solo Patre; non item, quod orthodoxa docet Ecclesia, à Filio ut Patri consubstantiali, sic confocundo deducentes: Alterâ etiam Schisma-

ticis omnibus communi dissensione à fidei unitate se refecant, Romanæ Ecclesiæ datum in Apostolorum Principe universalem Episcopatum & Primatum negando.

Ecclesiæ licet numerosissimæ, uno tamen omnes, & certè elegantissimo exemplari ædificatæ, surgentibus quinque in altum turribus tergemina cruce insignitis; difficile dictu est, quantum ex tot Ecclesiarum turribus, renidente minimum si non auro radiante laminâ contectis, urbi accedat splendoris & majestatis curioso eminus oculo arbitrante.

Duplice quodvis templum contignatione separatum, superiorem æstivis temporibus, inferiorem hybernis semper calefactam sibi vendicantibus, consuetum ebriorum & vagabundorum contra noctem & frigora asylum, & diversorium: omnes templorum parietes imaginibus Sacris, quibus simplicitate tantum non idololatrica plus æquo colendis valde exorbitant contecti, Divæ Virginis, & Sancti Nicolai iconibus potissima spatia solitis occupare.

Intro gressi nos Sacris operantem populum

pam non vidimus, cum laicorum nulli præsertim Romano, Lithurgiæ pateat conspectus: fermentato hæc pane, & vino ritu græco peragitur, illaque in Christi corpus & sanguinem transubstantiari rectius sentiunt, quàm qui Christi carnem in remanente panis substantia, fide manducari fabulantur. Sacrificia & preces pro vivis & defunctis offerunt, errore tamen imbuti primis sæculis perquam familiari animas cælo adhuc extorres corporum suspirare unionem post judicium ultimum cælis modo recipiendas.

Eucharistiam sub utraque specie dispensant: Baptismi materiam formamque, exorcismos item, salis, unctionis, & albæ vestis ceremonias ritè observant; eâ solum differentiâ quod crucem totâ vitâ gestandam collo appendant, colendique perpetuò Patroni imaginem tradant, & aquam in hunc finem benedictam vertici non aspergant, sed in eandem catechumenum ter immergant, nulli dein ob attractam originalis peccati labem usui futuram.

Peccata sua articulatè Sacerdotibus confitentur, Scrupulosâ & numeri & sigilli ob-

servatione , quibus etiam debitâ absolutio-
nis formâ eadem remittuntur. Jejunia
quatuor & ciborum , & conjugalis debiti
celebrant abstinentiâ , graviter violatori-
bus si innotescant castigatis.

Sacra Biblia Slavonicâ interpretatione,
quæ lingua eorum Sacra est , custodiunt
translata , & religiosè venerantur , nullius
aliàs linguæ Popæ eorum præter vernacu-
lam & Slavonicam gnari, nulla illis studia,
nullæ conciones , disputationes nullæ ; Pa-
triarchâ & Czaro fidei controversias inter
ruthena ingenia vix exortas definientibus.

Monasteria habent plurima , Monachis
monialibusque qui Divi Basilij institutum
profiteantur refertissima ; sed forsânâ prio-
ri fervore multùm degenerantia ; Conti-
git nos cum Strelizis plateas ob Lutum pro-
fundum perpetuo ponte ligneo stratas
transire ; cum obviam Monachus pro more
crucem signandis hominibus gestare , Stre-
lizis ducta à fronte ad pectus , dein , quod
solent præposterè , a dextera ad sinistram
cruce benedictionem impertiri , cum sur-
gentibus Mulsi crematique sæcosis spiriti-
bus sic in vertiginem gyratus ut è ponte prola-

prolapsus ceptam benedictionem depon-
tans iu stercore tanquam pinguedine ter-
ræ absolveret.

Papis eorum ut altari serviant unum est
necessarium, ne scilicet soli sint, sed ad-
jutorium habeant simile sibi. Nullus ad
altaris ministeria sine conjuge admittitur,
nec post ejus fata, interdictâ bigamiâ, in
ijsdem conservatur. Privilegio item Ca-
nonis omnes gaudent, at non nisi in pileo-
lo, quantumcunque enim Popam concus-
seris; modo pileolo, qui in consecratione
ab Episcopo imponitur nunquam nisi inter-
tendendum deponendus, peperceris, im-
punè totam feres insolentiam.

Nuptias Russi contrahunt solis amicis
agentibus ignoti cum ignotis, prælij do-
mestici futura nobilis occasio: Filias etenim
suas domi occultissis reclusas penetralibus,
nec unquam visas despondent, quæ ubi
rato matrimonio in thalamo virgines in-
ventæ non fuerint, in monasterium de-
trusæ crimen caguntur monasticâ conti-
nentiâ (quantum oculos effugere potest)
expiare.

Agonizantes Monachos solent induere ut cæli janitorem Diuum Nicolaum , cui etiam salvi conductûs litteras à popis deferunt , magis sibi concilient ; sed timendum ne alterius sæculi *fiscalis* de falsi crimine eos postulet. Mortui postquam loti albis induuntur , præficus ad sepulchrum usque causam mortis à defuncto querulâ nœnia rogitantibus , & panis, mulsi, crématisque copiam objectantibus , & reliquorum quæ vitam beare solent abundantiam prædicantibus. Vidimus insuper in maritorum sepulchra insilire mulieres , viris muliebri fortitudine commorituras , & tam diu in sepulchro perstituras , donec glebæ iniiciendæ fieret initium ; ridiculum hic quam citis pedibus sepulchro evolârint commorituræ paulo ante viris conjuges , & muliebrum lacrymarum simulatam docuerint vanitatem.

Cætera quæ Ruthenorum religionis rituumvè sunt, quia oculos, habitosque cum ipsis discursus effugerunt , præmitto, nolens Lectoris animos , compilatis librorum furtis onerare , & ijs , quorum veritas mihi

hi

hi suspecta , consarcinandis relationis veritatem dubiam reddere & suspectam.

C A P U T XXI.

Discessus Dominorum Ablegatorum ex urbe Moscuæ
7. Novembris.

A Liquot dierum moram Czarus concesserat , ut relegendæ viæ necessaria procuraremus ; nec Ipse suâ deerat munificentia , quâ quemque nostrum habitâ officij ratione mustelarum Scythicarum exuvijs â summo ad infimum bearet, liberali superadditâ vini Francis, tostorum piscium aliorumque victualium annonâ. Muneribus vicissim , & honorarijs Domini certabant Ablegati , quæ Czari ministros donabant : *Artamoni Sergievvitzi* quisque suum propriæ sellæ equum , non minus Majestate quàm generositate nobilem , Scholasticisque Cæsarei hippodromi disciplinis excultum offerebat, qui cum in exterorum moribus , & habitu observandis præcæteris curiosus , affectus.

ctum pariter suum circa eorundem vestitum Germanico Austriacum ferri ostendebat.

Ut autem hic splendidus, ita auctoritati muneris quō fungebantur maximē congruebat; Dominus de Bottoni fusci coloris holosericum, vario florum genere contextum, Versicoloribus liberali auro argentoque lemniscis fimbriatum, attalicaque telā suffultum pallium vestemque induebatur.

Elegantius Domini Terlingereni de Guzman vestimentum palliūque serico nigrā tincturā imbuto, & quod laboriosa manus mirum pretij, & operis ornamentum, artificē acu pinxerat, argenteis limbis eleganter circumductis mirificē Ruthenorum oculos capiebat. His primū ante *Czari* conspectum quisque conspicuus in publica audiētia comparuerat; alijs non minus decoris, & Locupletibus in secunda mutatis inter se suffulturæ, limborum, & telæ sic vicibus ut Dominus de Bottoni Serico nigro, & fimbrijs argenteis, Dominus verò de Guzman panno fusco, & lemniscis aureis magnifici incedere-

cederent. Ab his Czareo gazophylacio pro ævi memoria reservanda, vestimenta duo obtinuit Artamon factâ Mustelarum Scythicarum exuvijs compensatoria remuneratione.

Dictus interea discessui nostro dies, ob ningentis cœli tempestatem, & terræ in uligionosas paludes solutæ profunditatem instituendo itineri minime Propitius; verum cum impedimentis onerati jam currus, omniâque disposita, prandio sumpto *Moscua* reliquimus, eâdem quâ susceperat pompâ nos dimittentem. Dominis Ablegatis Czareus currus, nobis ex ejusdem stabulo equi, legiôque pedestris tympanis personantibus, tibijisque concinentibus ad flumen usque *Moskæ* inserviebant. Plurimi hoc littore Teutonum, inter quos Residens Daniæ, valedicentes profecturis omnem à Deo felicitatem precabantur.

Jam tenebris operta telluris facies, & cæca noctis caligo undique nos involvebat, tanta quoque inopinatò frigoris acerbitas oriebatur, ut magno cum periculo,

Moskæ

118 *Caput XXI. Duscessus Dominor.*

Moski fluvium traijcientes concubiam noctem impenderimus , alterum solem in suburbio extra *Strelizam Slovrodam* expectaturi.


Comœdia à Germanis Czaro paucis post diebus adornanda instabat , quem suis facetijs , additâ cujusdam peqissequorum nostrorum arte mimicâ abundè oblectandum , Comicî Teutones persuadebant. Gesliculator is erat , suisque ludicris & subdolis actionibus oculis illudens multos spectatorum , Moscorum præcipuè non in sui admirationem modo , sed in unaninem sententiam adduxerat , ut magiæ diabolicæ artificem fascinatorémque proclamarent , imo nec res lusibus subministratas , cultros scilicet strophyola pecuniamque frequenti crucis signatione muniti recipere , animos nobis frustra adtentibus , delusoriâque velocitatem proidentibus adigerentur. Hunc ad tempus retinendum , quo artem suam *Czaro* & *Czarissa* exhiberet Germani cum Moscorum præcipuis apud Dominos Alegatos, irritò sæpius labore sollicitabant : factum hinc ut ipsum hoc ad Magni Ducis aures
post

post discessum nostrum deferretur, qui subito Dominum Menesium belliducem ad Romanorum Imperatorem, Summumque, Pontificem quondam oratorem cum interprete revocando memorato ipedisse quo submisit. Adsunt illi tertio post die vedariâ trahâ nivis lubrica deproperantes, Czari desiderium insinuant, rogant, obtestantur, eundemque proximè multo donatum præmio remittendum promittunt; persuasus ille T. Cnini Ablegatis nullas libertati ejus leges ponentibus, adjuncto viarum comite Moscuam reversus est, nec inde remissus ante, quàm iteratâ vice *Czari, & Czariſſæ* oculis in proprio conclave arte suâ illuſſet: Redijt is ad nos *Wiſterwitzij* in Moravia omnibus quæ dono à Czaro acceperat consumptis.

Nec adhuc frigoris asperitas quidquam remiserat, sed ingravescebat quotidie magis, paludésque omnes ac flumina, gelu concreta ferendis impedimentorum curribus pontes straverant, transitum nobis faciliorem promovendo. Copiosæ autem nives, quæ strata undique viarum operverrant, canthis radijsque currulibus adhaerentes,

rentes , rotas sufflaminabant , quo minus liberè properèque in gyrum agerentur. Hinc substitutis istorum loco in *Mozaysko* trahis intra diei spatium duodecim , & plura milliaria germanica confecimus , & cum ob continuas sylvarum vastitates , nec diu nocturnè interdum quo diverteremus oppidum tangeremus , in medijs dumetis ad excitatos focos erat pernoctandum : pane hic & cerevisiâ congelatis cum vesci nemo posset, cremato per noctem exanimata propemodum frigoribus membra revocillabamus , usque adeo & mane pruinâ canescentes , ut plerisque *Botuvotarum* copiosiori barbæ lanificio dotatis prælongæ stirix halitu concretæ ora circumvallarent. Continuabat aura hæc adeoque vehiculis nostris favebat , ut quatuor septimanarum spatio ducenta pluraque milliaria germanica emetiremur.





C A P U T XXII.

Reditus Viennam 16. Februar.

1676.

QUO majorem in his septentrionalibus mundi plagis contrariantem naturæ temperiem mutato climate experti, eò ardentiorē patriæ frequens & votum & fermocinatio probabant amorem. Non aëris inclementia, non frigoris asperitas, non dentium feræ, & annonæ penuria tædias poterant anhelantibus creare molestias, qui felicem elapso brevi tempore non inglorij sperabamus consummationem. Quotquot enim Viennâ egres-
 sos numeraveris solum germanicum varia licet ob inordinatum in via vivendi modum morborum genere ad unum omnes affecti, vel ab ipsa Legatione suâ sponte liberi repeterunt. Unum
 demas Laurentium Rinhuberum Do-
 I ciorens

Florem Medicum , qui solus tertiâ jam
 vice has terras emensus , Moscoviticâ
 tandem alij ceparumve allectus suavi-
 tate , Ruthenorum amplexus genium
 remansit : Hic Archiatri honoribus per
 aliorum medicorum invidiam repulsus
 abs Czarò Interpretis titulo insignitus
 est. Varij enim Moscuæ medicinam
 profitentes germani , quos vel multis
 annis studiosos universitas , vel chirur-
 gos tantùm omnisque Latinitatis exper-
 tes diuturnâ probatos experienciâ sola
 Magni Ducis autoritas in doctoratûs
 gradum evexit commorantur ; Cæte-
 ros illorum aphorismos , hæc te arden-
 tem febrim curandi methodus docebit.
 Oculatus narrabat testis Dominus Schul-
 tetus Abligatus Brandenburgicus , qui
Pristafum suum hujus malignitate cor-
 reptum cum inviseret ; ecce tibi gran-
 dia glaciei frusta præscribente medico de-
 cumbentis capiti , arterijs , pulmonibus ,
 pectorique imposita conspicit , quibus sol-
 vendis omnis corpore detenti caloris vis
 expugnaretur ; nec incassum , tertio post
 die *Pristafus* surgere , commissum nego-
 tinm

tium restinctis æstibus sanus executurus.
Et hoc contraria contrarijs, vim vi repel-
lere.

Alexander Brandel stabuli Magister,
sub Electoris Brandenburgici, Battavicis-
que signis militare officium prensaturus;
Polonus itidem Interpres *Regio-montij* in
Prussia valedicunt; Pedissequa ibidem
viæ onera ferre non sustinens remansit;
Terni alij stratores Poloni *Gedani* disce-
dunt; Qui vero supererant cum Domi-
nis Alegantis conjuge, & filia universim
quatuordecim in finem usque persevera-
runt.

Cæterum eandem remensi vlam mu-
neribus, & ceremonijs ab Urbium Magi-
stratu excepti iisdem, quæ ne Lectorem
tautologiæ ambagibus involvam lubens
prætermitto. Singularem tamen Officia-
lium Brandenburgicorum benevolentiam
non possum non laudare, qui Insterbur-
gi præter viarum ministeria, lauto com-
meatu, Piloviæ verò ad mare Balticum
tormentorum festivâ exoneratione via-
rum molestias sunt consolati.

Viennam ut tetigimus, fatalis omnes morbus pressit, si Dominum Alegantum primarium Dominum de Bottoni, qui fatis concessit, excipias, at non oppressit. Vivimus etiamnum salvi, nec viarum territi laboribus Cæsareo obsequio easdem relegere meditamur.

Atque hæc benevolo lectori communicanda, non tam meo quàm aliorum id urgentium calculo duxi; quæ si vernacula desideras propediem à me transmittenda, germanico idiomate expecta, boni consule, & vale.

FINIS.





